

## 72 მილიონი ზარალის ასანაზღაურებლად



### მაგდა ლაქიაშვილი

სტიქიის შედეგების ლიკვიდაციისთვის მთავრობას დამატებით ხარჯების გაწერა მოუხდა. შესაბამისად, ბიუჯეტის ახალი პროექტი პარლამენტს დასამტკიცებლად უკვე გადაეგზავნა. მინისტრთა კა-

ბინეტის წევრები ამბობენ, რომ წყალდიდობამ კახეთს დიდი ფინანსური ზიანი მიაყენა, რომლის ასანაზღაურებლად საჭირო თანხა სახელმწიფო ბიუჯეტში გაწერული არ ყოფილა. მთავრობის გუშინდელ სხდომაზე პრემიერმა მადლობა გადაუხადა ყველა

უნყების ხელმძღვანელს საგანგებო რეჟიმში მუშაობისთვის და აღნიშნა, რომ ვითარების სრულად გამოსწორებამდე სამინისტროებმა თითქმის 24-საათიანი მუშაობის განრიგი უნდა განაგონ.

გაზრდილება  
მ-3 გვარდუა

## მასივობული ტერორისტული თავდასხმა ერავში

5



## ოლიმპიელთა ფისი

ლონდონში წასვლამდე პატრიარქთან და პრეზიდენტთან

"ზაფხულის XXX ოლიმპიურ თამაშებში მონაწილე საქართველოს სპორტსმენები პირობას ვეძებთ, რომ არ დაეზოგავთ ჩვენი ენერჯის და ძალას, შესაძლებლობასა და გამოცდილებას, რათა ვაჩვენოთ მაღალი სპორტული შედეგები და წარმატებით დავიცვათ ჩვენი სამშობლოს ღირსება საერთაშორისო სარბი-

ელზე. პირობას ვეძებთ, რომ ვიასპარეზებთ ჭეშმარიტი სპორტული და ოლიმპიური სულისკვეთებით და ოლიმპიური ქართის წესების პატივისცემითა და დაცვით" - ეს ოლიმპიური ფიცის გუშინ საქართველოს ეროვნული ოლიმპიური კომიტეტის ოფისში გამართულ ფიცის დადების საზეიმო ცერე-

მონილზე "ლონდონი 2012"-ის ლიცენზიანტების სახელით ვეროპის ჩემპიონმა და ორგზის ვერცხლის პრიზიორმა, ძიუდოისტმა ვარლამ ლიპარტელიანმა წაიკითხა და ყველა ოლიმპიელმა ხელმოწერით დადასტურა.

გაზრდილება  
მ-8 გვარდუა

## ქართული თეატრი სამ საუკეთესოს შორის

თეატრალური ხელოვნების მსოფლიო კონგრესი და საუნივერსიტეტო თეატრების საერთაშორისო ფესტივალი მინსკში

### ლაშა ჩხარტიშვილი

ივლისის პირველ ნახევარში ბელარუსის დედაქალაქი მინსკი თავის ისტორიაში ყველაზე დიდ სახელოვნებო ფორუმს - მსოფლიო სახელოვნებო კონგრესს მასპინძლობდა. ამ ღონისძიებას საუნივერსიტეტო თეატრების საერთაშორისო ასოციაცია წელიწადში ორჯერ მართავს სხვადასხვა ქვეყანაში.



გაზრდილება  
მ-4 გვარდუა

## "ნეფთი" და 300 აზერბაიჯანელი ზესტაფონები

### სოსო კოტორიძე

დღეს ჩემპიონთა ლიგის მეორე საკვალიფიკაციო ეტაპის საპასუხო მატჩში საქართველოს ჩემპიონი "ზესტაფონი" ბაქოს "ნეფთის" უმასპინძლებს და ურთულესი ამოცანის გადაჭრას შეეცდება - ერთი კვირის წინ აზერბაიჯანის დედაქალაქში გვარიანად შერცხვნილ ზესტაფონელები, 0:3 წააგეს. სამზურთიანი უპირატესობა, ცხადია, ბა-

ქოელებს უხსნის გზას შემდეგი ეტაპისკენ, მაგრამ "ზესტაფონის" მწვერთენელ-ფეხბურთელები ფარხმალს არ ყრიან და გულმემატკივარსაც სასწაულს პირდებიან. რამდენად რეალურია მათი დანაპირები, დღეს გამოჩნდება დავით აბაშიძის სახელობის სტადიონზე. აზერბაიჯანელი დელეგაცია გუშინ დილით ჩამოფრინდა თბილისში და ავტობუსით წყალტუბოს მიაშურა, სადაც სასტუმრო "სპა-ოტელში" დაბინავდა.

გაზრდილება  
მ-8 გვარდუა



შეხვედრა პრეზიდენტის სასახლეში.

## ფასდაკლების კუპონი

### აქცია ექსკლუზივი

24 საათი Weekend

4 ივნისიდან 4 ივლისის ჩათვლით!

ექსკლუზიურად „24 საათის“ და „Weekend“-ის მკითხველისთვის!

- ამოჭერი კუპონი და მიიღე ექსკლუზიური ფასდაკლება „ბაკურ სულაკაურის გამომცემლობის“ წიგნებზე „საქართველოს ფოსტის“ პრესის ვიზუალებში მთელი საქართველოს მასშტაბით, თქვენთვის მოსახერხებელ ადგილას.
- აირჩიე 5 წიგნიდან შენთვის სასურველი 1 წიგნი და შეიძინე საუკეთესო ფასად!

ყვავი ცალიწინდა ოინგაზოგს	5.90	4.90
პარი პოტარი და საიღუმლო ოთახი	9.00	4.00
ფალიაშვილის ქუჩის ქაღალცი	6.90	3.00
ქართული ანთროპოლოგია	17.90	11.90
კავკასიის გამოვლითიკური ატლასი	15.90	11.00

1 აშშ დოლარი	1.6590
1 ევრო	2.0293
1 ინგლისური გირვანკა	2.6043
1 თურქული ლირა	0.9189
100 რუსული რუბლი	5.1923

  

თბილისი	33°C - 25°C
ქუთაისი	39°C - 25°C
თელავი	34°C - 25°C
ზუგდიდი	37°C - 21°C
ბათუმი	32°C - 22°C

  

ნავთობი	2.86	-0.07	-2.34%
გაზი	3.07	-0.01	-0.49%
ოქრო	1,578.60	-4.20	-0.27%
ხორბალი	919.50	-23.75	-2.58%

"24 საათის" ელექტრონული ვერსია იხილეთ [www.24saati.ge](http://www.24saati.ge) ჩვენი პარტნიორები:



ISSN 1987 9121



9 771987 912100

### კახეთის რეგიონში აღდგენითი სამუშაოები მიმდინარეობს

სტიქიით დაზარალებულ კახეთის რეგიონში განმედილი და აღდგენითი სამუშაოები გრძელდება. როგორც "ინტერპრესნიუსი" კახეთის გუბერნატორის მოადგილე გიორგი სიბაშვილის განცხადებაზე დაყრდნობით იუწყება, რეგიონში ფეხვილის, შაქრის, ზეთისა და მკარონის სრული მარაგი უკვე შეტანილია. "დაზარალებულ მოსახლეობას სურსათი, დიზელის სანავივი და შხამ-ქიმიკატების უზრუნველყოფა, რეგიონში 8 ათასი ოჯახი მიიღებს 2 ლიტრ ზეთს, 5 კგ შაქარსა და ასევე 5 კგ მკარონს, ხოლო გურჯაანში, ყვარელში ლაგოდეხსა და თელავის მუნიციპალიტეტის სოფლებში დაზარალებული 20 ათასი ოჯახი 2 ტომარა ფეხვილს, 10 კგ შაქარსა და 3 ლიტრ ზეთს მიიღებენ," - განაცხადა სიბაშვილმა. მისივე ინფორმაციით, მოსავლის გარეშე დარჩენილი 1600 ოჯახი, რომელიც პირველი კატეგორიის დაზარალებულნი იყვნენ, ფულად კომპენსაციას 1300-დან 1500 ლარამდე მიიღებს.

"სამი კატეგორიის დაზარალებული მოსახლეობა გვეყვავს. პირველ კატეგორიაში 1600 ოჯახი მოხვდა, მეორე კატეგორიაში - 2100, ხოლო მესამე კატეგორიაში 2 ათასამდე ოჯახია. ეს ხალხი, სასურსათო პაკეტთან ერთად, სასოფლო-სამეურნეო სავარგულებსთვის ლეზულობენ შხამ-ქიმიკატებს და დიზელის სანავივს, შექტარზე 10 ლიტრს," - დასძინა სიბაშვილმა.

რაც შეეხება სახლების გადახურვას, სიბაშვილის ინფორმაციით, 19 ივლისის სტიქიის შედეგად 2 ათასი ოჯახი დარჩა სახურავის გარეშე, მათ შორის თელავში 100 საცხოვრებელი კორპუსი, რომელთა აღდგენითი სამუშაოები დაწყებულია.

### "საერთაშორისო ამნისტიის" რეკომენდაცია საქართველოს ხელისუფლებას

"საერთაშორისო ამნისტიის" შემოთავაზებულია იმ ფაქტით, რომ ხელისუფლება ვერ უზრუნველყოფს ოპოზიციის მხარდაჭერას და უზრუნველყოფს პოლიტიკურად გამიზნული ძალადობისგან," - ამის შესახებ ნათქვამია "საერთაშორისო ამნისტიის" ვებგვერდზე გამოქვეყნებულ დოკუმენტში, რომელიც ხელისუფლების ოპონენტებსა და უზრუნველყოფაზე ზეწოლის ფაქტებს ეხება. ორგანიზაცია მოუწოდებს საქართველოს მთავრობას, უზრუნველყოს ყველა პირის გამოხატვისა და შეკრების თავისუფლება, განუზრუნველდეს პოლიტიკური შეხედულებისა და კუთვნილებისა და სამართალში მისცეს ბოლოდროინდელ ძალადობრივ შეტევებზე პასუხისმგებელი პირები, რასაც წინ უნდა უძღოდეს ზედმინეფენითი, მიუკერძოებელი და ეფექტური გამოძიება. დოკუმენტში ასევე აღნიშნულია, რომ ხელისუფლებამ უნდა შეწყვიტოს ძალადობა ოპოზიციის წინააღმდეგ არჩევნების მოლოდინში.

როგორც "საერთაშორისო ამნისტიის" აცხადებენ, უკანასკნელი კვირების განმავლობაში დაფიქსირდა კოალიცია "ქართული ოცნების" მიერ გამართული საჯარო აქციების ჩაშლის ფაქტები ფიზიკური და პირისპირების მიხედვით. გამოქვეყნებულ დოკუმენტში საუბარია 12 ივლისის კარაულთისა და 26 ივლისის მერეთის ინციდენტებზე.

ორგანიზაციის ვებგვერდზე ასევე აღნიშნულია, რომ აქციებისა თუ პოლიტიკურად მგრძობიარე მოვლენების გამოქვეყნებისას, პროპოზიციურად განწყობილი უზრუნველყოფის ნიშანდღე მმართველი თავდასხმის შესახებ შეტყობინებების გარდა, ვრცელდება ინფორმაცია პროპოზიციურად განწყობილი უზრუნველყოფის დაშინებისა და უზრუნველყოფის საქმიანობის წარმართვის ხელყოფის შესახებაც.

"უზრუნველყოფის საქმიანობაში ჩარევის მსგავსი რამდენიმე შემთხვევა ამ თვეში საქართველოს სხვა რეგიონშიც დაფიქსირდა. 6 ივლისს "ინფო 9"-ს უზრუნველყოფის ნიშნის მიხედვით დახვდნენ და ხელი შეუშალეს ჩანჩქარში გარდაბანში. 8 ივლისს "ინფო 9"-ს კიდევ ერთ კორესპონდენტს აედევნა პროპოზიციური კამერით ხელში, რომელმაც ხელი შეუშალა მას, ენარმოებინა გადაღება გურიაში," - ნათქვამია დოკუმენტში.

"საერთაშორისო ამნისტიის" მოუწოდებს საქართველოს ხელისუფლებას, დაუყოვნებლივ უზრუნველყოს უზრუნველყოფის ნიშანდღე ძალადობისა და დაშინების ყველა ფაქტის ზედმინეფენითი გამოძიება.



საქართველოს მეცნიერებათა ეროვნული აკადემია ღრმა მწუხარებით იუწყება, რომ გარდაიცვალა გამოჩენილი ქართველი მეცნიერი და საზოგადო მოღვაწე აკადემიკოსი

**ნინო ჯავახიშვილი**

და სამძიმარს აცხადებს განსვენებულის ოჯახს

**პანაშვილი** - 24 და 25 ივლისს, 17 საათზე  
**მისამართი** - სოფიკო ჭიაურელის ქ. N19 (ფიქრის გორა)  
**გამოსვენება** - 26 ივლისს, 14 საათზე სიონის საკათედრო ტაძრიდან

აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო იუწყება, რომ გარდაიცვალა საქართველოს მეცნიერებათა აკადემიის აკადემიკოსი, მედიცინის მეცნიერებათა დოქტორი, პროფესორი, საქართველოს მეცნიერებათა დამსახურებული მოღვაწე ნინო ჯავახიშვილი და თანაურგმნობს განსვენებულის ოჯახს.

# ლევან ბეჟაშვილი თანამდებობიდან გადადგა

სახელმწიფო აუდიტის სამსახურის ხელმძღვანელი ლევან ბეჟაშვილი თანამდებობიდან გადადგა. ამის შესახებ განცხადება ბეჟაშვილმა გუშინ აუდიტის ოფისში გააკეთა და გადაწყვეტილების მიზეზად კახეთში მომხდარი სტიქია დაასახელა.

"მივიჩნევი, რომ ჩემი შინაგანი განცდა და ვალდებულება არის, ამ ძნელებელბობის ყვამს გვერდით დავედგე ჩემს კახელებს და დავეხმარო მათ სტიქიით მიყენებული ზარალის დაძლევაში, რაც შეუთავსებელია ჩემს თანამდებობასთან. ამიტომ მივიღე გადაწყვეტილება, დავტოვო თბილისში კონკრეტული მაღალი თანამდებობა და ჩემი მომავალი საქმიანობა, ჩემს მე-

გობრებთან ერთად, დავეუკავმო ჩემს გაჭირვებულ ხალხზე ზრუნვას," - განაცხადა ბეჟაშვილმა.

მისივე თქმით, ეს არ იყო ადვილი გადაწყვეტილება, მაგრამ დღეს ხალხს განსაკუთრებული ზრუნვა და გვერდით დგომა სჭირდება.

ამასთან, ბეჟაშვილმა არ დააკონკრეტა, გეგმავს თუ არა კახეთის რომელიმე რაიონში მასპროტარად კენჭის ყრას. არაოფიციალურად ვრცელდება ინფორმაცია, რომ ბეჟაშვილმა შეიძლება, თელავში ან სიღნაღში იყაროს კენჭი. თავად კი წარმოშობით დედოფლისწყაროდანაა. კანონმდებლობით, გენერალური აუდიტორის თანამდებობაზე

ყოფნის მთელი პერიოდის განმავლობაში პირი არ შეიძლება იყოს პოლიტიკური პარტიის წევრი ან ენოქდეს სხვა პოლიტიკურ საქმიანობას. შესაბამისად, თუ ბეჟაშვილის მასპროტარობის კანდიდატად წარდგენა იგეგმება, ის თანამდებობიდან უნდა გადადგარიყო.

მისი გადაწყვეტილება უკვე გადაგზავნა საქართველოს პარლამენტს. კანონმდებლობით, სახელმწიფო აუდიტის სამსახურის ახალი ხელმძღვანელი პარლამენტმა უნდა დაამტკიცოს.

"ჯი-ეიჩ-ენ"-ის ინფორმაციით, არსებობს ვარაუდი, რომ სახელმწიფო აუდიტის ხელმძღვანელის პოსტზე შესაძლოა, ოპო-

ზიციის, კერძოდ "ქდმ"-ს წევრი დაინიშნოს. "ქრისტიან-დემოკრატიული" მოძრაობის ერთ-ერთი ლიდერი ლევან ვეფხვაძე არ ადასტურებს, რომ პარტიის რომელიმე წევრი შესაძლოა, სახელმწიფო აუდიტის სამსახურის ხელმძღვანელის პოსტზე დაინიშნოს, თუმცა აღნიშნავს, რომ ეს კარგი შეთავაზება იქნებოდა.

"უკვე ოთხი წელია, ვითხოვთ, რეგლამენტში შესულიყო ცვლილება და სახელმწიფოს აუდიტის სამსახურის თავმჯდომარე სწორედ ოპოზიციის შეთავაზებით დაინიშნულიყო, მაგრამ "ნაციონალური მოძრაობა" ამას ჯიუტად ეწინააღმდეგებდა," - განაცხადა ვეფხვაძემ.

## IFC-ის პირველი საბანკო პროდუქტი საქართველოში

**ინფო ნარჩენი**

საერთაშორისო საფინანსო ორგანიზაცია (IFC), მსოფლიო ბანკის ჯგუფის წევრი, მცირე და საშუალო ბიზნესისა და მენარმე ქალების დაკრედიტების გაზრდის ხელშეწყობის მიზნით, საქართველოში თავის პირველ საბანკო პროდუქტს წარმოადგენს.

IFC-ს საქართველოს წარმომადგენლობაში აღნიშნავენ, რომ, მენარმე ქალების დაფინანსების გაზრდის მიზნით, რომლებიც უფრო მეტ სირთულეს აწყდებიან ბიზნესის დაკრედიტებასთან დაკავშირებით, ვიდრე მამაკაცები, საერთაშორისო საფინანსო კორპორაცია "საქართველოს ბანკს" 25 მილიონი აშშ დოლარის მოცულობის სესხს გამოუყოფს. პროექტის შედეგად, "საქართველოს ბანკი," რომელსაც ქვეყნის მასშტაბით 164 სერვისცენტრი გააჩნია, დააფინანსებს მცირე და საშუალო საწარმოებს როგორც დედაქალაქში, ისე რეგიონებში. ეს IFC-ის პირველი საბანკო პროდუქტია საქართველოში, რომელიც მენარმე ქალების ბიზ-

ნესის დაფინანსებას ისახავს მიზნად და ხელს შეუწყობს მათ, ქვეყნის ეკონომიკურ ცხოვრებაში უფრო აქტიური როლი შეასრულონ.

სამხრეთ კავკასიაში IFC-ის რეგიონული მენეჯერის თომას ლუბეკის განცხადებით, "პროექტი საქართველოში საშუალო საწარმოების გაფართოებისა და მოდერნიზების ფინანსური რესურსების გამოყოფას ითვლისწინებს. მენარმე ქალების მიერ ჩამოყალიბებულ საწარმოებს მნიშვნელოვანი პოტენციალი აქვთ. ეს პროექტი მათთვის ფინანსური რესურსების ხელმისაწვდომობას გაზრდის და ამ გზით საზოგადოების ფართო ნაწილის შემოსავლების ზრდას შეუწყობს ხელს."

მისივე განცხადებით, IFC მენარმე ქალებს მსოფლიო მასშტაბით უწყობს ხელს, რამდენადაც ეს განვითარებად ქვეყნებში მდგრადი კერძო სექტორის ნახალისების მისიის მნიშვნელოვან ნაწილს წარმოადგენს. IFC თანამშრომლობს საფინანსო ინსტიტუტებთან მენარმე ქალებისთვის ფინანსური რესურსების გაზრდის მიზნით მიზნობრივი კრედიტების

გამოყოფის, ბაზრის ანალიზისა და მენარმე ქალების უნარ-ჩვევების გაუმჯობესების გზით. IFC-მ მენარმე ქალებზე ორიენტირებული საბანკო პროგრამა ევროპასა და ცენტრალურ აზიაში 2011 წელს წამოიწყო, რითიც პარტნიორი ბანკების მეშვეობით მენარმე ქალების დაკრედიტებას უწყობს ხელს.

IFC "საქართველოს ბანკის" გაერთიანებულ სამეფოში და რეგისტრირებული ჰოლდინგური კომპანია bank of georgia holdings PLC-ის აქციონერია, რომლის აქციებიც 2012 წლის 28 თებერვალს ლონდონის საფონდო ბირჟამ პრემიუმ ლისტინგში განათავსა.

საერთაშორისო საფინანსო კორპორაცია (IFC), ხელს უწყობს "საქართველოს ბანკს," გაზარდოს მცირე და საშუალო ბიზნესის, განსაკუთრებით, მენარმე ქალების, დაფინანსება, რის შედეგადაც მისსლოდენილია ქალთა კიდევ უფრო აქტიური ჩართვა ბიზნესში და საქართველოს ეკონომიკის კონკურენტუნარიანობის გაზრდა.

"საქართველოს ბანკის" გენერალური დირექტორის ირაკლი გილაურიის განცხადებით, "მცირე და საშუალო ბიზნესის

დაკრედიტების ზრდა, ჩვენი საცალო საბანკო საქმიანობის ერთ-ერთი მიზანია. ეს თანამშრომლობა საშუალებას მისცემს "საქართველოს ბანკს," დააფინანსოს ბიზნესის მფლობელი ქალბატონები, რომელთა როლიც ქვეყნის მცირე და საშუალო ბიზნესის სექტორის განვითარებაში მეტად მნიშვნელოვანია. პროექტი ასევე სტიმულს მისცემს ქართულ ეკონომიკაში მეტი სამუშაო ადგილის შექმნას."

საქართველო IFC -ის წევრი 1995 წელს გახდა. IFC-ის ინვესტიციებმა საქართველოში, სხვადასხვა სექტორის 42 პროექტში, თითქმის 660 მილიონი აშშ დოლარი შეადგინა. გარდა ამისა, IFC თავისი საკონსულტაციო პროექტის ფარგლებში მუშაობს საქართველოს საგადასახადო სისტემის რეფორმირების მიმართულებით, რაც მცირე ბიზნესის განვითარებას უწყობს ხელს. გარდა ამისა, IFC საკონსულტაციო პროექტების მეშვეობით კომპანიებს სურსათის უვნებლობის სტანდარტების ამაღლებაში ეხმარება და ასევე, ბანკებთან მათი რისკის მართვის პრაქტიკის განმტკიცების მიზნით მუშაობს.

## მასობრივი არაულოზა კისლოვოდსკი

რუსეთის ქალაქ კისლოვოდსკის ცენტრში მომხდარი მასობრივი არეულობა სამი ახალგაზრდის მკვლელობით დასრულდა. რუსული მედია მომხდარი კონფლიქტის თაობაზე, სხვადასხვა ვერსიებს ავრცელებს.

რუსული მედიის ინფორმაციით, სამი კავკასიური წარმომავლობის ახალგაზრდა - ქართველი, სომეხი და ყარაჩაული, კისლოვოდსკის ცენტრში პერვომაისკის პროსპექტზე ბაზრის ახლოს იდგნენ და მშვიდად საუბრობდნენ. ამ დროს მათ კამუფლიაჟში გამოწყობილი კაზაკების საპატრულო ჯგუფი მიუახლოვდა. ხანმოკლე საუბრის შემდეგ მათ ახალგაზრდებს ცემა დაუწყეს. კაზაკებმა 19 წლის ეროვნე-

ბით ქართველს, სახელად გიას ყელი გამოჭრეს, 21 წლის სომეხ ჯონიკას პისტოლეტიდან ესროლეს, ხოლო 23 წლის ყარაჩაელი დანა გაუყარეს.

ეროვნებით ქართველი და სომეხი ახალგაზრდები მიყენებული სასიკვდილო ჭრილობებისგან ადგილზევე გარდაიცვალნენ, მესამე დაჭრილი კი რეანიმაციაში იმყოფება.

თვითმხილველთა თქმით, ახალგაზრდებმა თავდაცვისას სამი კაზაკი დაჭრეს. აღძრუ-

ლია სისხლის სამართლის საქმე. საქმეში მონაწილედ 2 პოლიციელი ფიგურირებს, რომლებიც შემთხვევის ადგილზე სროლის ხმაზე მივიდნენ. მომხდართან დაკავშირებით დაკავებულია 3 ადამიანი.

მედიის ინფორმაციით, მასობრივ არეულობაში 15 ადამიანი მონაწილეობდა. პოლიციამ მალევე დაადგინა მკვლელობაში ეჭვმიტანილის ვინაობა. დაკავებულია 23 წლის კრასნოდარელი სტუდენტი. მოგვიანებით ცნობილი გახდა, რომ დაკავებულია კიდევ ორი ეჭვმიტანილი, რომელთა ვინაობა ჯერჯერობით არ სახელდება.

რუსულ მედიაში მომხდარის შესახებ რამდენიმე ვერსია გავ-

რცელდა. ერთის მიხედვით, კონფლიქტი ნაციონალურ ნიადაგზე მოხდა. მეორე ვერსიით კი, ჩხუბის საფუძველი რელიგიური მოტივი გახდა. მოგვიანებით გაჩნდა კიდევ ერთი ვერსია, რომლის მიხედვითაც, კონფლიქტი ნაციონალური მოტივით დაგეგმილი პროვოკაცია იყო, რასაც ნაციონალური შუღლი უნდა მოჰყვეს. ამავე ვერსიით, მოკლულები რეალურად კავკასიელები არ არიან.

სამართალდამცველები ამ ვერსიას მართალია უარყოფენ, თუმცა ქალაქის მოსახლეობას სიმშვიდის შემნარჩუნებას სთხოვენ, რათა მომხდარი ფაქტი მართლაც არ გადაიზარდოს ნაციონალურ შუღლში.

# 72 მილიონი ზარალის ასანაზღაურებლად

პირველი გადამხდელი

მთავრობის სხდომაზე ბიუჯეტში შესატანი ცვლილებები მინისტრთა კაბინეტს ფინანსთა მინისტრმა დიმიტრი გვინდაძემ გააცნო. მისი თქმით, იქმნება სტიქიის შედეგების ლიკვირების 50-მილიონიანი ფონდი. თანხა მთლიანად მოხმარდება კახეთში გადაუდებელი ღონისძიებების განხორციელებას. გარდა ამისა, კახეთის განვითარების პროგრამისთვის 110 მილიონი ლარი გამოიყო, საიდანაც 20 მილიონი სტიქიის შედეგების ლიკვირაციას მოხმარდება.

**"კახეთის რამდენიმე მუნიციპალიტეტს ასიგნებები გაეზრდება - მთლიანად, დაახლოებით, 2 მილიონის ოდენობით. 17 მილიონი ლარი მთავრობის სარეზერვო ფონდში რჩება, საიდანაც, საჭიროების შემთხვევაში, თანხა სტიქიით დაზარალებული რეგიონებით აღდგენას მოხმარდება,"** - განაცხადა

დიმიტრი გვინდაძემ. მისივე თქმით, იზრდება ჯანდაცვის სამინისტროს დაფინანსებაც 6 მილიონი ლარით. ეს თანხა სამუშაოს მაძიებლების მონაცემთა ბაზის შექმნას მოხმარდება.

თავის მხრივ პრემიერმა ვანო მერაბიშვილმა პარლამენტს სთხოვა, ბიუჯეტში ცვლილებები რაც შეიძლება მოკლე ვადაში დაამტკიცოს.

მთავრობის სხდომაზე დევნილების შესახებ ახალი პროგრამა წარადგინა მინისტრმა დალი ხომერიკმა. ლტოლვილთა და განსახლების სამინისტრო დევნილთა საჭიროებების შესწავლის პროგრამას იწყებს. ხომერიკის თქმით, პროგრამა ჯანდაცვის სამინისტროს სოციალური მომსახურების სააგენტოსთან ერთად განხორციელდება. მისივე განცხადებით, უწყების მთავარი მიზანია, თითოეული დევნილისთვის ხელმისაწვდომი იყოს მთავრობის ახალი პრიორიტეტები: ჯანდაცვა, სოფლის მეურნეობა და დასაქმება. ამ მიზ-

ნით ლტოლვილთა სამინისტრო გამოკითხვის ჩატარებას გეგმავს, რაც, მინისტრის თქმით, ხელს შეუწყობს ლტოლვილების კონკრეტული საჭიროებების გამოვლენას. ამის მიხედვით, ლტოლვილთა სამინისტრო მიზნობრივ პროგრამებს განახორციელებს.

**"პირველ რიგში, უნდა შევავროთ ინფორმაცია დევნილთა საჭიროებებზე. ეს გამოიწვევს დევნილთა პირდაპირ ჩართულობას საკუთარი საჭიროებების განსაზღვრაში. ასევე, მოხდება კერძო სექტორში მცხოვრებ დევნილთა აღრიცხვა. ეს პროგრამა სამ ეტაპად განხორციელდება - შემუშავდება კითხვარები, შეიქმნება მონაცემთა ბაზის აპლიკაცია და ეს, საბოლოო ჯამში, განთავსდება ელექტრონულ ვებგვერდზე. გამოკითხვის ძირითადი ეტაპი პირველი აგვისტოდან დაიწყება და ერთ თვეს გაგრძელდება. შეიქმნება 185 ინტერვიუერი, რომლებიც დევნი-**

**ლები იქნებიან,"** - ამბობს დალი ხომერიკი.

აღსანიშნავია ისიც, რომ მთავრობის სხდომაზე მედიის წარმომადგენლებისთვის მუშაობის რეჟიმი იცვლება. მთავრობის პრესსამსახურის უფროსი ზურა გვერცეაძე "24 საათთან" საუბარში ამბობს, რომ მთავრობის სხდომაზე მხოლოდ შტატივანი კამერები შევა, რომლებიც კადრებს "აკრეფენ", ანუ მთავრობის სხდომის "შესავალ ნაწილს" გადაიღებენ. სხვა მედია-სამუშაოებს, რომლებიც შტატივიანი კამერებით არ მუშაობენ, ასევე ფოტოგრაფებს, სხდომაზე არ უშვებენ. სხდომის ფოტოებს თავად პრესსამსახური გაავრცელებს.

ჟურნალისტებს ასევე აღარ მიუწვდებათ ხელი მთავრობის სხდომების დასრულების შემდეგ მინისტრებთან კომენტარების ჩანერგვაზე. იმ სართულზე, სადაც მთავრობის სხდომა იმართება, მედიის წარმომადგენელთა ასვლა აკრძალა.

## პატრიარქმა პრეზიდენტი ალავერდის მონასტრის მარანში დალოცა

საქართველოს პრეზიდენტი, პატრიარქთან ერთად, თელავის საკათედრო ტაძარში იმყოფებოდა. ტაძარში შესულამდე მიხეილ სააკაშვილი შეკრებილ მოსახლეობას შეხვდა, მოგვიანებით კი მრევლს ტაძარში პატრიარქმა მიმართა. მისი თქმით, მთელი საქართველო ფეხზე დგას კახელეების დასახმარებლად და ამის დასტურია ის ფაქტიც, რომ მთელი ამ დღეების განმავლობაში მთავრობა და პრეზიდენტი კახეთში იმყოფებიან.

პატრიარქის თქმით, რეგიონში მიმდინარე სამუშაოები იმის იმედს იძლევა, რომ ყველაფერი კარგად იქნება. საქართველოს პრეზიდენტმა ილია მეორეს სტიქიის შედეგად დაზარალებულ რეგიონში ჩასვლისა და განუვლი დაზარალებისთვის მადლობა გადაუხადა. პატრიარქმა დაზარალებული რეგიონის მოსახლეობას ფულადი დახმარება, სხვადასხვა საკვები პროდუქტები და პირველადი მოხმარების ნივთები ჩაუტანა.

ილია მეორემ საქართველო და ქვეყნის პრეზიდენტი ალავერდის მონასტრის უძველეს მარანში დალოცა. "ღმერთს - დიდება და საქართველოს - მთლიანობა და მშენებლობა; თქვენ - კარგად ყოფნა!" - ბრძანა უწმინდესმა ალავერდის მონასტრის მარანში.

## პარლამენტის აპარატს კონსტიტუციის დარღვევაში ადანაშაულებენ

პარლამენტის დაცლის პროცესის გამო ფრაქციის "ერთობა სამართლიანობის" წევრი, დეპუტატი გიორგი ცაგარეიშვილი პარლამენტის აპარატს კონსტიტუციის დარღვევაში ადანაშაულებს. როგორც მან პარლამენტში გამართულ პირფინგზე განაცხადა, "როდესაც დეპუტატს უფლებას აღარ აძლევს, შეასრულოს უფლებამოსილება, ეს როგორც კონსტიტუციის, ისე პარლამენტის რეგლამენტის დარღვევაა".

ცაგარეიშვილმა პარლამენტის შენობის დაცლის პროცესი მიუღებელ და გაუგებარ სიტუაციად შეაფასა და დასძინა, რომ მისი ფრაქცია შენობას არ დაცვას, ვიდრე პარლამენტს უფლებამოსილება არ ამოენურება და უარს არ იტყვის საკუთარი უფლებამოსილების შესრულებაზე, მათ შორის მოქალაქეების მიღებაზე.

მისი თქმით, დეპუტატებს ავეჯი ღამით დიდი სატვირთო მანქანებით გაჰქონდათ.

"ან რამ შემოატანინათ აღმენი ნივთი," - აღნიშნა ცაგარეიშვილმა.

პარლამენტის შენობის გასხვისების საკითხის საჯაროობისკენ მოუწოდებს ხელისუფლებას პოლიტიკური კოალიცია "ქართული ოცნება". როგორც ბიძინა ივანიშვილის პრესსპიკერმა მიაა ფანჯიკიძემ განაცხადა, ბოლო პერიოდის განმავლობაში ამ საკითხის შესახებ უამრავი ურთიერთგამომრიცხავი ინფორმაცია გავრცელდა.

"ითქვა, რომ იგი გაყიდა, შემდეგ ითქვა, რომ არ გაყიდულა. დასახელდა კონკრეტული გვარი, რომელმაც თითქოს იყიდა შენობა, შემდეგ ეს ინფორმაცია ეკონომიკის სამინისტრომ არ დადასტურა. ყოველივე ამის გამო ჩვენ მივითხოვთ, რომ პარლამენტის შენობის გაყიდვის მთელი პროცესი იყოს საჯარო და გამჭვირვალე. ხელისუფლებამ ჩვენც და საზოგადოებასაც დღევანდელი მდგომარეობის შესახებ სრული და ამომწურავი ინფორმაცია უნდა მიანიჭოს," - განაცხადა ფანჯიკიძემ.

"ლიბორისტების" განცხადებით კი, პარლამენტის შენობა უკვე გაიყიდა და მისი ახალი მფლობელი კრიმინალია. სოსო შატერაშვილის თქმით, "ქურდებთან მეტრძოლვა პრეზიდენტმა სააკაშვილმა პარლამენტის შენობა ქურდული ტრადიციების მატარებელ, კრიმინალ ივანიშვილის ყოფილ პარტნიორს, ვინმე ქებუნიძეს მიანიჭა".

საფრანგეთში საქართველოს ელჩ მამუკა კუდავას ინფორმაციით, საქართველოს პარლამენტის შენობის შესყიდვით, საფრანგეთში მოღვაწე ქართველ ბიზნესმენ ბუბა ქებურიასთან ერთად, კომპანია "კემპინსკი" არის დაინტერესებული. კუდავას თქმით, პარლამენტის შექმნის შემთხვევაში შენობაში მაღალი რანგის სასტუმრო დაიწყებს ფუნქციონირებას.

დიპლომატი დარწმუნებულია, რომ ეს იქნება ძალიან დიდი ინვესტიცია ქართულ ეკონომიკაში, რადგან, მისივე ვარაუდით, აღნიშნული სასტუმრო-კომპლექსი საქართველოს ბიუჯეტში ყოველწლიურად დიდ გადასახადებს შეიტანს.

ამასთან, საქართველოს პარლამენტის შენობის პრივატიზების მიზნით აუქციონი ჯერ არ გამოცხადებულა.

## ქმდ ხელისუფლებას შიდა ქართლის მიმართ გულგრილობაში ადანაშაულებს

"ქრისტიან-დემოკრატები" ხელისუფლებას შიდა ქართლის რეგიონის მიმართ გულგრილობაში ადანაშაულებენ. პარტიის ლიდერები გუშინ გორის რაიონის სოფელ ყელქცულაში იმყოფებოდნენ, სადაც მოსახლეობას სოფლის მეურნეობის კუთხით არსებულ პრობლემებზე გაესაუბრნენ.

პარტიის პრესსამსახურის ცნობით, ადგილობრივები აცხადებენ, რომ მათ არ მიუწოდებოდათ ბუნებრივი აირი, ასევე სოფელში მწვანედ დგას წყალმომარაგების პრობლემა, გაუმართავია სარწყავი სისტემა, არ ფუნქციონირებს სოფლის ამბულატორია, მოხუცები სირთულეებს აწყდებიან სამედიცინო მომსახურების თვალსაზრისით, ხოლო ბავშვები ვერ იღებენ სათანადო განათლებას საჯარო სკოლების გაუმართაობის გამო.

გიორგი თარგამაძემ და ლევან ვეფხვაძემ მოსახლეობას "ქრისტიან-დემოკრატების" სოფლის მეურნეობის განვითარების პროგრამა გააცნეს და გლეხებს, არჩევნებში გამარჯვების შემთხვევაში, არსებული პრობლემების მოგვარებას დაჰპირდნენ.

"ამ ნაყოფიერ მიწაზე, ადეკვატური პირობების არარსებობის გამო, გლეხი თავს ვერ ირჩენს და დიდ გასაჭირშია. ხელისუფლებამ სოფლად მცხოვრებ მოსახლეობას ვერ შექმნა ისეთი პირობები, რომ გლეხს მის ხელთ არსებული პოტენციური გამოყენებისა და დამოუკიდებელი შემოსავლის წყარო გასჩენოდა," - განაცხადა გიორგი თარგამაძემ.

# საბიუჯეტო ცვლილებები რიგგარეშე სხდომაზე

დათო გაიხსონია

გუშინ ბიუროს სხდომაზე 2012 წლის სახელმწიფო ბიუჯეტში ცვლილების პროექტი პრემიერ-მინისტრ ვანო მერაბიშვილის ხელმოწერით შევიდა.

დღეს ფინანსთა მინისტრი დიმიტრი გვინდაძე ოპოზიციური ფრაქციების - "ერთობა სამართლიანობისთვის" და "ქრისტიან-დემოკრატების" წევრებს ცვლილების პროექტს გააცნობს და მათ შენიშვნებს მოისმენს. დღის მეორე ნახევარში კი საფინანსო-საბიუჯეტო კომიტეტი შემაჯამებულ სხდომას გამართავს. როგორც სეისის სხდომაზე ცვლილების განხილვა და კენჭისყრა 25 ივლისს იგეგმება.

პროექტის თანახმად, მიმდინარე წლის ივლისში მომხდარი სტიქიური მოვლენების შედეგების ლიკვირაციისთვის 162, 3 მილიონი ლარი იქნება მობილიზებული.

ახლი პროგრამის - "სტიქიის შედეგების ლიკვირაცია" - განსახორციელებლად 50 მილიონი ლარი გამოიყოფა. პროგრამის ფარგლებში მოსახლეობის დაზიანებული სახლების რეაბილიტაცია, დაზარალებული მოსახლეობის საკვები პროდუქტებით მარაგება, სასოფლო-სამეურნეო სავარგულების მფლობელებისთვის კომპენსაციის გაცემა და სხვა ღონისძიებები იგეგმება. ამასთან, სახელმწიფო ბიუჯეტში კახეთის სოციალურ-ეკონომიკური და ინფრასტრუქტურული განვითარების მიზნით შექმნილი პროგრამის ასიგნება იზრდება.

ბიუჯეტში გათვალისწინებული პროგრამის - "კახეთის განვითარების პროექტის" ასიგნება 110.2 მილიონი ლარია. ამ თანხიდან 30.2 მილიონი ლარი საბიუჯეტო სახსრებიდან, ხოლო 80 მილიონი - მსოფლიო ბანკის შეღავათიანი კრედიტი, რომელიც მოქმედ ბიუჯეტშიც აღნიშნულია. პროგრამის ფარგლებში საგზაო, ურბანული, ტურისტული და წყალ-კანალიზაციის ინფრასტრუქტურის მოწყობა-რეაბილიტაცია იგეგმება.

სამუშაოების მნიშვნელოვანი ნაწილი 2012 წელს შესრულდება.

გარდა ამისა, 2.1 მილიონი ლარი, სპეციალური ტრანსფერის სახით, კახეთის რეგიონის თვითმმართველ ერთეულებს გამოეყოფა. შრომის, ჯანმრთელობისა და სოციალური დაცვის სამინისტროს ასიგნებები კი 6 მილიონი ლარით იზრდება, რაც სამსახურის მაძიებელთა აღრიცხვას და ერთიანი ბაზის შექმნას უნდა მოხმარდეს.

ბიუჯეტის ცვლილების პროექტის განმარტებითი ბარათის თანახმად, აღნიშნული ღონისძიებების დასაფინანსებლად სახელმწიფოს საგარეო ვალდებულებების მომსახურებისთვის გათვალისწინებულ ასიგნებებში წარმოქმნილი ეკონომია გამოიყენება. ეკონომია საერთაშორისო ვალუტებთან ლარის გაცვლითი კურსის დინამიკიდან და სახელმწიფო ვალის კონსერვატიული და სტრატეგიული დაგეგმვიდან და მართვიდან წარმოიქმნა.

როგორც განმარტებით ბარათშია ნათქვამი, საქართველოს საგარეო ვალის უდიდეს ნაწილზე ფიქსირებული საპროცენტო განაკვეთი ვრცელდება. აღნიშნული ვალის მცირე ნაწილის საპროცენტო განაკვეთები ე.წ. მცოცავ განაკვეთებზე და მოკლედებული. მისი ზღვრული ოდნე პირდაპირ უკავშირდება მსოფლიოს ნამყვანი ცენტრალური ბანკების ფულად-საკრედიტო პოლიტიკას და ნამყვან საერთაშორისო კომერციულ ბანკებს შორის გადასესხების განაკვეთის ოდნეს.

2012 წლის პირველი 6 თვის შედეგებით და 2012 წლის შემდგომი თვეების პროგნოზით, საბაზისო საპროცენტო განაკვეთი დაბალ ნიშნულზე დარჩება.

დოკუმენტში ნათქვამია, რომ აქცენტი სტიქიის შედეგების ლიკვირაციაზე გაკეთდება, თუმცა ამის გამო არცერთი დაგეგმილი პროექტი არ შეჩერდება. დამნიკა 2012 წლის ბიუჯეტის მაკრო-ფისკალურ პარტამეტრებს სრულად შეესაბამება.

განმარტებითი ბარათისგან განსხვავებით, მოქმედ ბიუჯეტთან ცვლილების პროექტის შედარებისას ირკვევა, რომ რამდენიმე საბიუჯეტო ორგანიზაციის დაფინანსების შემცირებაც არის გათვალისწინებული.

რეინტეგრაციის საკითხებში სახელმწიფო მინისტრის აპარატის დაფინანსება მცირდება 1, 350.0 ათასი ლარიდან 1.280.0 ათას ლარამდე; ფინანსთა სამინისტროს დაფინანსება - 115,759.0 ათასი ლარიდან 110,759.0 ათას ლარამდე. ეკონომიკისა და მდგრადი განვითარების სამინისტროს საბიუჯეტო სახსრები 108,463.7 ათასი ლარიდან 79,097.4 ათას ლარამდე. სასაქონლო რესურსების, პრობაციისა და ოურიდიული დახმარების სამინისტროსი - 125,100.0 ათასი ლარიდან 124,900.0 ათას ლარამდე; საგარეო საქმეთა სამინისტროსი - 91,000.0 ათასი ლარიდან 83,500.0 ათას ლარამდე; შინაგან საქმეთა სამინისტროს დაფინანსება - 585,200.0 ლარიდან 585.050.0 ლარამდე; განათლებისა და მეცნიერების სამინისტროს ასიგნებები - 600,880.0 ათასი ლარიდან 600,680.0 ათას ლარამდე; ოკუპირებული ტერიტორიებიდან დევნილთა სამინისტროს ასიგნებები - 36,400.0 ლარიდან 36,300.0 ათას ლარამდე; ენერგეტიკისა და ბუნებრივი რესურსების დაცვის სამინისტროს საბიუჯეტო სახსრები - 9, 100.0 ათასი ლარიდან 8, 950.0 ათას ლარამდე; გარემოს დაცვის სამინისტროსი - 16, 881.0 ათასი ლარიდან 16, 831.0 ათას ლარამდე; ხოლო სპორტისა და ახალგაზრდულ საქმეთა სამინისტროს ასიგნებები - 59, 209.5 ათასი ლარიდან 59,089.5 ათას ლარამდე.

## ოპონენტების შეფასებები

დაგეგმილ საბიუჯეტო ცვლილებებს ოპოზიციონერი დეპუტატები აფასებენ.

ფრაქცია "ქრისტიან-დემოკრატების" თავმჯდომარე გიორგი ახვლედიანი ბიუროს სხდომაზე გამოვიდა ინიციატივით, რომ კახეთში სტიქიის შედეგად დაზარალებული მოსახლეობისთვის კომპენსაციის სახით 5 000-დან 10 000 ლარამდე გამოიყოს. **"1500 ლარი დანახვაზე ამ ადამიანებისთვის არაფერს შეცვლის,"** - აღნიშნავს ახვლედიანი. მისი განმარტებით, 2012 წელს საქართველოს ეკონომიკის

5-პროცენტისი ზრდა იყო ნავარაუდები. **"სტატისტიკის დეპარტამენტის მონაცემებით, დღეს უკვე 8-პროცენტისი ზრდაა,** - ამბობს ახვლედიანი, - **ეს ნიშნავს, რომ მთავრობას დამატებითი 300-400 მილიონის მობილიზება შეუძლია."**

პარლამენტის თავმჯდომარემ დავით ბაქრაძემ ახვლედიანს განუმარტა, რომ ბიურო შინაარსობრივი განხილვის ადგილი არ არის. ასეთვე შენიშვნა მიიღო "ქართული დასის" ლიდერმა ჯონდი ბალათურამ. მან ბიუროს სხდომაზე მთავრობის და პრეზიდენტის სარეზერვო ფონდებში არსებული თანხების შესახებ ინფორმაციის მიწოდება ითხოვა. **"გაუგებარია, რატომ გვჭირდება ბიუჯეტში ცვლილებები, როცა ასეთი შემთხვევისთვის არსებობს მთავრობისა და პრეზიდენტის სარეზერვო ფონდები, რომელთა მოცულობაც 50-50 მილიონ ლარს შეადგენს. თუ ფონდებში ეს თანხები უკვე აღარ არის, მაშინ მთავრობამ მოგვახსენოს, რაში დახარჯა,"** - აღნიშნა ბალათურამ.

დავით ბაქრაძემ დეპუტატს უთხრა, რომ ამ საკითხზე კითხვები ფრაქციის სხდომაზე ფინანსთა მინისტრ დიმიტრი გვინდაძეს დაუსვან.

"თავისუფალი დემოკრატების" წევრმა გია ცაგარეიშვილმა დაგეგმილი საბიუჯეტო ცვლილების შესახებ პარლამენტში გამართულ პრესკონფერენციაზე ისაუბრა. ცაგარეიშვილი მთავრობისა და პრეზიდენტის სარეზერვო ფონდებიდან თანხის არამიზნობრივი ხარჯვის შესახებ საუბრობს. ამიტომ, როგორც ირაკლი ალასანიას თანაპარტიული ამბობს, მთავრობას ფორსმაჟორულ ვითარებაში დასახარჯი თანხა აღარ რჩება. გია ცაგარეიშვილი ფინანსთა სამინისტროს პირველი კვარტლის ანგარიშს იმონმებს და აღნიშნავს, რომ მთავრობამ 3 თვეში სარეზერვო ფონდიდან 38 მილიონი ლარი დახარჯა. რაც შეეხება პრეზიდენტის სარეზერვო ფონდს, ცაგარეიშვილის თქმით, 4 თვეში 2 მილიონ 131 ათასი ლარია დახარჯული.

# ქართული თეატრი სამ საუკეთესო შორის

პირველი გვარდიან

მექსიკის, კანადის, პოლონეთისა და ირლანდიის შემდეგ მსოფლიო კონგრესს (AITU-IUTA- [www.aitu-iuta.org](http://www.aitu-iuta.org)) ბელარუსმა უმასპინძლა. დედაქალაქ მინსკში მსოფლიოს 35 ქვეყნის სამასამდე თეატრის ექსპერტი, რეჟისორი, თეატრმცოდნე, ფესტივალების დირექტორები, სახელოვნებო ორგანიზაციების ხელმძღვანელები, თეატრის კრიტიკოსები და არტ მენეჯერები შეიკრიბნენ.

მსოფლიო საუნივერსიტეტო თეატრების კონგრესში წელს საქართველოს წარმომადგენლები პირველად იღებდნენ მონაწილეობას. ქართველები კავკასიის რეგიონიდანაც პირველები იყვნენ, რომლებიც მინსკში ე.წ. აუტას კონგრესზე მონაწილის სტატუსით და საკუთარი მოხსენებით წარსდგნენ. საქართველოს წარმომადგენლებმა მოხსენებები კონგრესის სამივე სექციაში - სახელოვნებო თეორია და პრაქტიკა, თეატრის თეორია და კულტურის მენეჯმენტი წაიკითხეს. სამივე მონაწილე - რეჟისორი ირაკლი გოგია, თეატრმცოდნე ლაშა ჩხარტიშვილი და არტ-მენეჯერი ელენე ბაბაკიშვილი ილიას სახელმწიფო უნივერსიტეტის ახლადშექმნილი თანამედროვე ქართული თეატრის კვლევის ცენტრის დამფუძნებლები და მკვლევარები არიან.

მსოფლიო კონგრესი ბელარუსის სახელმწიფო უნივერსიტეტის ხელოვნების ლიცეუმში თეატრის საერთაშორისო ინსტიტუტის (ITI) გენერალურმა მდივანმა ტობიას ბიანკონემ, საუნივერსიტეტო თეატრების მსოფლიო ასოციაციის (AITU) პრეზიდენტმა ჟან-მარს ლარუმე და ბელარუსის კულტურის მინისტრმა პავლე ლატუშკამ გახსნეს. კონგრესმა მინსკში ხუთი დღე გასტანა და მასში მომხსენებლები მსოფლიოს თითქმის ყველა კონტინენტიდან (სულ 35 ქვეყნის 300-მდე ექსპერტი) მონაწილეობდნენ. ქართველების მიერ წაკითხულმა მოხსენებებმა დიდი ინტერესი გამოიწვია დამსწრეთა შორის, რაც განპირობებული იყო თემების აქტუალობით. ირაკლი გოგიას მოხსენება ეხებოდა "ევროპულ სათეატრო პედაგოგიკას და მისი დანერგვის პრობლემებს პოსტსაბჭოთა სივრცეში". როგორც აღმოჩნდა, ეს პრობლემა არა მხოლოდ პოსტსაბჭოთა სივრცეს, არამედ სამხრეთ ამერიკის ქვეყნებსაც ეხება. კულტურის მენეჯმენტის სექციაში ელენე ბაბაკიშვილის მოხსენება საქართველოს კულტურის სფეროში დაფინანსების ზოგიერთ ასპექტს შეეხებოდა, აღმოჩნდა, რომ ქართულ კულტურას სახელმწიფოდან პროცენტული მაჩვენებლით მეტი დაფინანსება აქვს, ვიდრე პოლონეთს, თუმცა პოლონური თეატრი დღეს ევროპის ლიდერი თეატრია ექსპერიმენტებში. კულტურის პოლიტიკის არქონა საქართველოში ყველაზე მეტად აფერხებს შემოქმედებით პროცესს, სახელმწიფოსა და სახელოვნებო დაწესებულებების ურთიერთობას. თეატრმცოდნე ლაშა ჩხარტიშვილის მოხსენება სათეატრო კრიტიკის პრობლემებს მიმოიხილავდა პოსტსაბჭოთა სივრცეში. "თეატრალური კრიტიკა დაკარგული ავტორიტეტის ძიების პროცესში"- ამ სათაურის ქვეშ გააერთიანა მომხსენებელმა თანამედროვე სათეატრო კრიტიკის საკითხები.

ვიზიტის შედეგად საქართველო უკვე გახდა მსოფლიო საუნივერსიტეტო თეატრების ასოციაციის წევრი. საქართველოს ბიუროს ჩამოყალიბებას კოორდინირებას ილიას სახელმწიფო უნივერსიტეტის თეატრის ხელმძღვანელობა გაუწევს და მასში გაერთიანდება საქართველოში არსებული ყველა უმაღლესი სასწავლებლის თეატრი.



საქართველოს განვერდიანება ამ ორგანიზაციაში ხელს შეუწყობს სტუდენტურ თეატრებს საერთაშორისო ფესტივალებში მონაწილეობის მიღებაში, რადგან საუნივერსიტეტო თეატრების ასოციაცია მსოფლიოს ყველა კონტინენტზე 150-მდე სტუდენტურ საერთაშორისო ფესტივალს უწევს კოორდინირებას. წევრი ორგანიზაციები კი ფესტივალებში მონაწილეობას კონკურსის გარეშე მიიღებენ.

მსოფლიო თეატრალური კონგრესის პარალელურად ბელარუსის სახელმწიფო უნივერსიტეტმა უმასპინძლა რიგით მე-9 სტუდენტური თეატრების საერთაშორისო ფესტივალს "თეატრალური კუფარი". მასში 19 ქვეყნის 20 თეატრალური დასი იღებდა მონაწილეობას. ამ ფესტივალზე საქართველოს ბათუმის თოჯინებისა და მოზარდ მსახიობთა სახელმწიფო თეატრი წარმოადგენდა ილიას სახელმწიფო უნივერსიტეტის დოქტორანტის, ირაკლი გოგიას სპექტაკლით "ფერფლის პლანეტა". სპექტაკლი აგებულია ცნობილი დრამატურგის დევიდ ზან მაიროვიცის რადიო პიესის "ფერფლის პლანეტის" მიხედვით. ეს გახლავთ ადამიანის ტრაგიკული ისტორია მეორე მსოფლიო ომის დროს. სპექტაკლში მოქმედება ვითარდება აუშვიცის საკონცენტრაციო ბანაკში, სადაც ოთხ მილიონზე მეტი ებრაელი და სხვა ეთნიკური ჯგუფის ხალხი გერმანელებმა აწამეს. სპექტაკ-

ლში წარმოჩენილია სიყვარულის და სისასტიკის, ძალაუფლების და კაცთმოყვარეობის პრობლემა და ხაზგასმით არის ნათქვამი - რომ ნებისმიერ საშინელ ვითარებაში უდიდესი მნიშვნელობა აქვს ადამიანური სახის და ჰუმანური პოზიციის შენარჩუნებას. ახალგაზრდა რეჟისორი სპექტაკლში იყენებს ექსპერიმენტულ მულტიმედია ელემენტებს - რადიო და ვიდეო ეფექტებს.

სპექტაკლი "ფერფლის პლანეტა", რომელშიც ორი მსახიობი - თამარ მახარაძე და დიმიტრი მელია მონაწილეობენ, მშობლიურ ქვეყანაში "დურუჯი 2012-ის" პრემიის მიღმა დარჩნენ. სამაგიეროდ, პექტაკლი მინსკის სტუდენტური თეატრების საერთაშორისო ფესტივალის "თეატრალური კუფარის" ფავორიტად დასახელდა (იხილეთ წყარო: <http://www.belarus-tv.by/rus/culture.asp?id=70574>).

აღნიშნული ბმული ბელარუსის სახელმწიფო ტელევიზიის მთავარი საინფორმაციო გამოშვების სიუჟეტია, რომელშიც ქართული თეატრი სამ საუკეთესო თეატრალურ დასად არის მოხსენიებული ფესტივალის ოც მონაწილე სპექტაკლს შორის ფილიპინელების "რომეო და ჯულიეტასა" და ჩინელების "ოჯახს" შორის. უცნაური ის არის, რომ აღნიშნულ საერთაშორისო ფორუმს არც ჟიური ჰყავს და არც სპეციალური კომისია, აქ სპექტაკლს თითოეული მსახიობი ათბალიანი სისტემით

აფასებს. ფესტივალის მონაწილე 19 ქვეყნის (ჩინეთიდან დაწყებული ურუგვაით დამთავრებული) 500 - მდე მონაწილისთვის (მათ შორის, თეატრის ექსპერტები, პროდიუსერები, თეატრის მოღვაწეები და რიგითი მსახიობები) "ფერფლის პლანეტა" ის სპექტაკლი აღმოჩნდა, რომელმაც ყველაზე მეტად ააღელვა საერთაშორისო აუდიტორია. ამის შესახებ ბელარუსული გამოცემა "http://belarus-theatre.net"-ი წერს: "ქართველთა სპექტაკლმა ჩვენი თეატრის სცენაზე ნამდვილი ემოციის ზღვა გადმოგვარა და კავკასიური ცეცხლი დაანთო, მიუხედავად იმისა, რომ ისინი არაქართულ პრობლემაზე თამაშობდნენ თავიანთ სპექტაკლს, თუმცა რა გასაკვირია, ქართველთა ჰუმანიზმი და თანადგომა სხვა ერების მიმართ მთელს მსოფლიოშია ცნობილი. სწორედ ამ ჰუმანიზმის გამოვლენაა აუშვიცის საკონცენტრაციო ბანაკში დატრიალებული ტრაგედიის ჩვენს საერთაშორისო პუბლიკისთვის. ქართველი რეჟისორის სპექტაკლმა მთელი ფესტივალის უღიმღამო სპექტაკლები დააბალანსა".

"ფერფლის პლანეტა" 3 ივლისს, ბელარუსიის დამოუკიდებლობის დღეს საგანგებო პროგრამის ფარგლებში წარმოადგინეს. სპექტაკლს ესწრებოდა საქართველოს კონსული ბელარუსიაში რევაზ საყვარელიძე. სპექტაკლის შემდეგ მას შთაბეჭდილებების გაზიარება ვიზო-

ვით: "პირველ რიგში, ძალიან მიხარია, რომ ამ უზარმაზარ ფორუმში ქართული თეატრი მონაწილეობს. სამწუხაროდ, ბელარუსია განებივრებული არ არის ქართული სპექტაკლებით, არადა, როგორც ჩანს, ეს ფენომენი დიდ ინტერესს იწვევს ბელარუს მსახიობებში. ეს ინტერესი ამ სპექტაკლმაც დაადასტურა. დღეს, ქართულმა თეატრმა გამოავლინა თავისი ღირსეული სახე და შეაგრძნობინა ყველას, რომ ომს და ძალადობას არ მოაქვს სიკეთე. ეს პრობლემა სიმძაფრით იყო გამოცემული სპექტაკლში. ჩემი აზრით, ეს ურთიერთობა, რომელსაც ახლა ჩაეყარა საფუძველი, უნდა გაძლიერდეს და განხორციელდეს პროექტები, რომელიც ქართული თეატრის ექსპორტს განახორციელებს ბელარუსიაში, ქართველმა რეჟისორებმა აქ უნდა დადგან სპექტაკლები და პირიქით"- განაცხადა ჩვენთან საუბარში რევაზ საყვარელიძემ.

სპექტაკლზე შთაბეჭდილებები სხვებმაც გაგვიზიარეს:

**ალექსანდრე მარჩენკო, ბელარუსული დრამატურგიის ცენტრის ხელმძღვანელი, მსახიობი და რეჟისორი:** პირველ ყოვლისა საინტერესო იყო ის თემატიკა, რაც ქართულმა დასმა წარმოადგინა, სიმართლე გითხრათ, ბელარუსისთვის ომის თემა ძალიან აქტუალურია, ისტორიულად, ეს ქვეყანა ომების მსხვერპლი იყო. სხვათაშორის, მეორე მსოფლიო ომის დროს, ყოველი მეოთხე ბელარუსელი დაიღუპა, ამიტომაც ქართველთა სპექტაკლი ჩვენთვის ძალიან მტკივნეული იყო, რომელმაც ისტორიის ბევრი დეტალი გაგვასხენა. ამის გამო, სპექტაკლმა ამაღლებული და ამავედროულად, დამთრგუნველი შთაბეჭდილებები გამოიწვია, განსაკუთრებით მომენტონა, სპექტაკლის ფორმა, რომელიც რეჟისორმა მოიფიქრა. ამ სპექტაკლში ყველა დეტალი თამაშობს თავის როლს. სცენაზე დალაგებული ფეხსაცმელებიც კი, რომელიც დაღუპულთა ფეხსაცმელებად აღიქმება და ამ გვამებიდან ჩნდება გადარჩენილი ებრაელი, როგორც სიმბოლო ღირსებისა. ამავედროულად, რეჟისორი გითრევს სპექტაკლის ატმოსფეროში კამერით და შენც უნებლიე მონაწილე და თვითმხილველი ხდები იმ მოვლენების, რაც სცენაზე თამაშდება.

"ფერფლის პლანეტა" ბელარუსში ქართული ენაზე ტიტრების გარეშე წარმოადგინეს, რასაც ხელი არ შეუშლია უცხოელი მსახიობებისათვის, რადგან რეჟისორმა ირაკლი გოგიამ მულტიმედიაურ, აუდიოვიზუალურ გამოშვებულ მთავარ საუბრებს მიმართა, რასაც ხელი ქართველი მსახიობების პროფესიონალიზმაც შეუწყო. ომი ის თემაა, რომელიც ყველა სახელმწიფოს შეეხო, განსაკუთრებით პოსტსაბჭოთა სივრცის ქვეყნებს. მეორე მსოფლიო ომთან დაკავშირებული პერიპეტები ქართველებმა კიდევ ერთხელ შეახსენეს საერთაშორისო თეატრალურ საზოგადოებას.

ქართველთა მონაწილეობა მსოფლიო თეატრალური სკოლების კონგრესსა და საერთაშორისო თეატრალურ ფესტივალში "თეატრალური კუფარი" ამით არ ამოწურულა. საქართველოს ღვინის ეროვნული სააგენტოს, საქართველოს ტურიზმის ეროვნული დეპარტამენტის და საქართველოს კულტურისა და ძეგლთა დაცვის სამინისტროს მხარდაჭერით მინსკში მოეწყო ქართული კულტურის პრეზენტაცია, რომელიც ითვალისწინებდა ქართული ღვინის და საქართველოს, როგორც ტურისტული რეგიონის, გაცნობას საერთაშორისო საზოგადოებრიობისათვის.



# ოჯამა ავრორაში დაღუპულთა ნათესავებს შეხვდა

სალომე ჯანიაშვილი

აშშ-ს პრეზიდენტი ბარაკ ობამა ამერიკის ქალაქ ავრორას ესტუმრა, სადაც 20 ივლისის ღამეს კინოთეატრში შეიარაღებული თავდასხმა მოხდა. ტრაგედიის შედეგად, რომელზეც "24 საათი" უკვე წერდა, დაიღუპა 12 და დაჭრილია 58 ადამიანი. 24 წლის დამნაშავემ ჯეიმს ჰოლმსმა მკაცრად დასჯის საპროცესო პროცესში მონაწილეობის "შავი რაინდი: ლეგენდის აღორძინება" პრემიერაზე ცეცხლი გაუხსნა.

შაბათს საღამოს პოლიციამ ჯეიმს ჰოლმსის სახლში შეაღწია, რომელიც 12 ადამიანის მკვლელობაშია ეჭვმიტანილი. მათ განაღმეს ცეცხლგამჩენის ტიპის ასაფეთქებელი მოწყობილობა, რომელიც მას სახლში ჰქონდა დამონტაჟებული. კოლორადოს პოლიციის წარმომადგენელმა კასიდი კარლსონმა განაცხადა, რომ ჰოლმსის სახლში მოხდა კონტროლირებადი აფეთქება არსებული ასაფეთქებლების გასანაღმად. მას შემდეგ, რაც ჰოლმსი დააკავეს, მან თავად განუცხადა პოლიციას, რომ მისი სახლი დანაღმული იყო.

ხუთშაბათს, საღამოს ახალგაზრდა მამაკაცი, რომელსაც აირჩინა იქეთა და ჯავშანაფილდეტი ეცვა, კინოთეატრში შეიჭრა. მან თავიდან ცრემლსადენი გაზის ყუმბარები ისროლა, შემდეგ კი მკაცრად ცეცხლი გაუხსნა. ეჭვმიტანილი მალევე კინოთეატრთან ახლოს დააკავეს.

ის ორშაბათს ქალაქ ცენტენი-ალში სასამართლოს წინაშე წარდგა, სადაც მას ბრალი წაუყენეს. სასამართლომდე ის უარს ამბობდა გამოძიებასთან თანამშრომლობაზე და ჩვენებებს არ იძლეოდა.

კოლორადოში დაღუპულთა სამგლოვიარო ღონისძიებები



იმართება. ქალაქ ავრორაში ხალხს კინოთეატრთან ცოცხალი ყვავილები, სანთლები და წერილები მიუჩქეს. ერთ-ერთ წერილზე ეწერა: "ყველა უდანაშაულო სულს. ეს თქვენთვის არის. ჩვენ არასდროს დაგვიწყნებთ. ეს ავრორაა."

ორშაბათს საღამოს გამართულ ბრიფინგზე, რომელიც კოლორადოში ჩატარდა, გუბერნატორმა ჯონ ჰიკენლუპერმა განაცხადა, რომ დაღუპულთა და დაზარალებულთა რაოდენობა 70 ადამიანს შეადგენს. მისი სიტყვებით, საავადმყოფოში კიდევ რჩება 30 ადამიანი, მათგან თერთმეტის მდგომარეობა კრიტიკულია. "ეს არის ქმედება, რომელიც ახსნას არ ექვემდებარება. ყველა, ვისაც მე ბოლო დღეების განმავლობაში ვესაუბრე, განრისხებულია," - განაცხადა კოლორადოს პოლიციის უფროსმა, - "მე პირადად იმის მსგავსი არაფერი მინახავს, რაც იქ ვიხილეთ."

გავრცელებული ინფორმაციი, ჯეიმს ჰოლმსს თან ჰქონდა შაშხანა, საფანტიანი თოფი და ორი პის-

ტოლეთი. ყველა იარაღი და საბრძოლო მასალა შექმნილი იყო ლეგალურად, ბოლო რამდენიმე თვის განმავლობაში. ხელისუფლებამ ეჭვმიტანილსა და ტერორისტულ ორგანიზაციებს შორის ვერაფერი საეჭვო კავშირი ვერ აღმოაჩინა. მკვლელობის მოტივებიც ჯერჯერობით უცნობია. აქამდე ჰოლმსი პოლიციის ყურადღების ცენტრში არასდროს არ ყოფილა. ის მხოლოდ ერთხელ, სიჩქარის გადაჭარბების გამო იყო დაჯარიმებული.

ნიუ-იორკში პოლიციის კომისარმა რეიმონდ კელიმ განაცხადა, რომ ეჭვმიტანილმა თმა წითლად შეიღება და პოლიციას, როგორც ჯოკერი - "ბეტმენის" ყველაზე ბოროტი პერსონაჟი - ისე გააცნო.

ნიუ-იორკში, სადაც ამ ფილმს აჩვენებენ, უსაფრთხოების ზომები გაძლიერებულია. პარიზში კი გადაწყვიტეს, რომ პრემიერა საერთოდ გაუქმებინათ.

განაცხადება გააკეთა ფილმის რეჟისორმა კრისტოფერ ნოლანმა. მან თქვა, რომ კინოთეატრი მისთვის

ვის მშობლიური სახლია და აზრი იმის შესახებ, რომ შესაძლოა, მის სახლში ვინმე შემოიჭრას და უდანაშაულო ხალხს ასე მოექცეს, მისთვის გამანადგურებელია.

24 წლის ჯეიმს ჰოლმსი კოლორადოს უნივერსიტეტში ნეირობიოლოგიის სწავლობდა. საშუალო სკოლა დაამთავრა სან-დიეგოში, კალიფორნიაში, სადაც დღესაც ცხოვრობენ მისი მშობლები. ის ცხოვრობდა ავრორას ჩრდილოეთ ნაწილში, კინოთეატრიდან დაახლოებით 8 კილომეტრის მანძილზე. მიუხედავად მისი აკადემიური მიღწევებისა წინა წლებში, იგი ამჟამად გარიცხვის პირას იყო უნივერსიტეტიდან, სადაც ის ასპირანტურაში სწავლობდა. ერთ-ერთმა მისმა მეზობელმა განაცხადა, რომ მას კარგად არ იცნობენ, რადგან ის ყოველთვის კარჩაკეტილად ცხოვრობდა და არავისთან საუბრობდა.

დაპატიმრებულის ოჯახის წევრებმა გაავრცელეს წერილობითი განცხადება, სადაც ნათქვამია: "ჩვენი გულები მათთან ერთად არის, ვინც იყო ჩართული ამ ტრაგედიამ, ასევე მათი ოჯახის წევრებთან და ახლობლებთან. ჩვენ ვთხოვთ მედიას, ამ მიმდებარეობაში უფლებას პირად ცხოვრებაზე პატივისცემით მოეპყროს."

განცხადება მომხდარ ტრაგედიამ რომის პაპმა ბენედიქტ XVI-მაც გააკეთა და აღნიშნა, რომ ის მომხდარით "შოკირებულია."

პოლიციას გარდაცვლილთა ვინაობა ჯერ არ გაუხსნაურებია. ბოლო აღმოჩენილი ცხედარი კინოთეატრიდან პარასკევს, საღამოს 17 საათზე გამოიტანეს.

აშშ-ს პრეზიდენტის ბრძანებით, შაბათს მთელი ქვეყნის მასშტაბით ეროვნული დროშები დაუშვეს.

## "არაბული ლიბა" ასაღს "უსაფრთხო ნავსლას" სთავაზობს

სირია კი ქიმიური იარაღით იმუქრება

თამთა კახაძე

გუშინ ყატარში გამართულ შეხვედრაზე არაბულ სახელმწიფოთა ლიგის წარმომადგენელმა განაცხადა, რომ, თუ სირიის პრეზიდენტი ბაშარ ალ-ასადი სწრაფად გადადგება და ქვეყანას დატოვებს, "არაბული ლიბა" მის "უსაფრთხო გადადგომას" უზრუნველყოფს. ხუთსაათიანი შეხვედრის შემდეგ ყა-

ტარის საგარეო საქმეთა მინისტრმა შეიხ ჰამად ბინ ხალიფ ალ-თანიმ განაცხადა: "ჩვენ ოპოზიციასა და სირიის თავისუფალ არმიას" ეროვნული ერთიანობის მთავრობის ჩამოყალიბებისაკენ მოვუწოდებთ."

არსებული ცნობებით, ამ დროისათვის ალექსანდრ და დამასკოში კვლავ გრძელდება სამხედრო დაპირისპირება. ოპოზიციის მონაცემებით, მხოლოდ გუშინ ქვეყანაში 111 ადამიანი

დაიღუპა.

გუშინვე განაცხადება გააკეთა სირიის საგარეო საქმეთა მინისტრის ოფიციალურმა წარმომადგენელმა ჯიჰად მაყდისიმ და "უსუბოლ ინტერვენტებს" ქიმიური იარაღით დაემუქრა. მისი თქმით სირია ომის მდგომარეობაში იმყოფება, მაგრამ ეს არ არის სამოქალაქო ომი, ეს არის ომი ტერორისტებთან და მათ მხარდამჭერ უცხოურ ძალებთან. მაყდისიმ გა-

ნაცხადა, რომ სირია არასდროს გამოიყენებს ქიმიურ იარაღს საკუთარი მოსახლეობის წინააღმდეგ, თუმცა არ არის გამორიცხული ეს გაკეთდეს უცხოელი ინტერვენტების ქვეყანაში შემოსვლის შემთხვევაში. მან დასძინა, რომ სირია კარგად დაცული სახელმწიფოა და ქიმიური იარაღის გამოყენების შესახებ გადაწყვეტილებას "თუ ჩვენის გვაქვს" საჭიროებისას გენერლები მიიღებენ.

## მასირაბული ტერორისტული თავდასხმა ირაკში

ივა შილაკაძე

ერაყის დედაქალაქსა და ქვეყნის ჩრდილოეთ ნაწილის ქალაქებში აფეთქებებსა და სროლებს, სულ მცირე, 107 ადამიანი ემსხვერპლა. დაღუპულებს შორის ბევრია უსაფრთხოების სამსახურებისა და პოლიციის წარმომადგენელიც. დაშავდა 268 ადამიანი. მხოლოდ ქალაქ ტაჯი-ში, რომელიც ბაღდადიდან ჩრდილოეთით 20 კილომეტრზე მდებარეობს, სულ ცოტა, 24 კაცია დაღუპული. ეს ქალაქი, ძირითადად, სუნიტებით არის დასახლებული. ჯერ გაისმა 5 თუ 6

აფეთქების ხმა და ამ თავდასხმას 14 კაცი შეენირა. ერთ-ერთი აფეთქების ადგილას, პოლიციელების მისვლის შემდეგ, კიდევ აფეთქდა მანქანა, რამაც 10 პოლიციელი იმსხვერპლა.

დედაქალაქ ბაღდადში რამდენიმე დანაღმული ავტომანქანა აფეთქდა. ერთ-ერთმა მათგანმა შიიტებით დასახლებულ რაიონში 12 ადამიანის დაღუპვა გამოიწვია.

ერაყის ჩრდილოეთში, ქურთული ავტონომიის ერთ-ერთ მთავარ ქალაქ კირკუკში აფეთქდა 7 ავტომობილი. მსგავსი ინციდენტები მოხდა ქალაქებში: დჰულიაში, საადიაში, ხან-ბენი-

საადში, ტუზ-ხურმატუსა და დიბისში. უსაფრთხოების სამსახურებს თავს დაესხნენ სხვა რაიონებშიც. არმიის ყაზარმებს დაუშინეს ცეცხლი ნაღმ-საბრძოლოდან. ერთ პოლიციელს სახლში დაესხნენ თავს.

თავდასხმების ამ სერიას წინ უძღოდა "ალ კაიდას" ერაყის ფილიალის ლიდერის აბუ ბაკრ ალ-ბაღდადის სახელით გაკეთებული განცხადება. იგი იტყობინებოდა, რომ ტერორისტული ორგანიზაცია გადადიოდა შეტევაზე იმ რაიონებში, რომლებიც "ბოევიკებმა" დატოვეს შარშან დეკემბერში, ერაყიდან ამერიკული ჯარების

### ცნობილი კუბელი დისიდენტი ავტოკატასტროფას შეენირა

ცნობილი კუბელი დისიდენტი 60 წლის ოსვალდო პაია ავტოკატასტროფაში დაიღუპა. აღნიშნულის შესახებ პაიას მეგობრები და კოლეგები იტყობინებიან. უბედური შემთხვევა ქალაქ ბაიამოსთან ახლოს მოხდა. ოსვალდო პაია ცნობილია როგორც პროექტ "ვარელას" დაამმართველი. ეს არის კამპანია, რომელიც მხარს უჭერს კუბაში რეფერენდუმის ჩატარებას, რეფორმების გატარებასა და სამოქალაქო თავისუფლებების (არჩევნები სიტყვის თავისუფლება, პოლიტიკტიმრების ამნისტია, თავისუფალი ზიზნის მხარდაჭერა) მისაღწევად. ის კუბის მცირერიცხოვანი ოპოზიციის სახე იყო.

2002 წელს პაიამ "ვარელას პროექტზე" მუშაობის გამო მიიღო სახაროვის პრემია - ევროკავშირის მიერ დაწესებული ჯილდო ადამიანის უფლებების დამცველთათვის; წარდგენილი იყო ნობელის პრემიაზეც. კუბის მთავრობა მას ამერიკის ჯაშუშად მიიჩნევდა, რომლის მიზანიც ქვეყნის რევოლუციის ძირის გამოთხრა იყო. ინციდენტები უცნობია, ოფიციალური ინფორმაცია ჯერ არ გავრცელებულა, მთავრობასთან დაახლოებული კარგად ინფორმირებული ბლოგერის ცნობით, ოსვალდო პაიას მანქანა ხეს შეეჯახა.

### ოპოზიცია ალიევს მესამე ვადით გაპრეზიდენტებას უკრძალავს

აზერბაიჯანის ოპოზიციის ერთ-ერთმა ლიდერმა ალი ქერიმლიმ განაცხადა, რომ მოქმედ პრეზიდენტ ილჰამ ალიევს მესამე ვადით არჩევნებში მონაწილეობის უფლება არ აქვს. აღნიშნული განცხადება მან haqqin.az-თან ინტერვიუს დროს გააკეთა. ქერიმლი პარტია "აზერბაიჯანის ეროვნული ფრონტის" ლიდერია. ის, ასევე, ოპოზიციური ალიანსის "საზოგადოებრივი პალატის" წევრია.

ოპოზიციონერის განცხადებით, "კანონს უკუქცევითი ძალა არ გააჩნია" (ცხადია, მხედველობაში ჰქონდა კონსტიტუციის შესწორება, რომელიც ერთ ადამიანს ორზე მეტი ვადით გაპრეზიდენტების ნებას რთავდა). მისი აზრით, მოქმედმა პრეზიდენტმა უკვე გამოიყენა საკუთარი უფლება და ორჯერ იქნა არჩეული ქვეყნის ლიდერად.

ქერიმლიმ დაამატა, რომ, თუ ალიევი მაინც გადაწყვეტს ქვეყნის საპრეზიდენტო არჩევნებში მესამედ მონაწილეობის მიღებას, ოპოზიცია "ამ უკანონობასთან დაკავშირებით მასობრივი წინააღმდეგობის ორგანიზებას გეგმავს."

ილჰამ ალიევი ქვეყანას 2003 წლიდან მართავს. პრეზიდენტის თანამდებობაზე მან გარდაცვლილი მამა - ჰეიდარ ალიევი ჩაანაცვლა. 2008 წელს ის მეორედ აირჩიეს ქვეყნის პრეზიდენტად; ამის შემდეგ მმართველმა პარტიამ "ახალმა აზერბაიჯანმა" ჩატარა რეფერენდუმი, რომლის მიხედვითაც კონსტიტუციიდან ამოიღეს შეზღუდვა, რომელიც ადამიანს ორ ვადაზე მეტად საპრეზიდენტო არჩევნებში მონაწილეობას უკრძალავდა. ცოტა ხნის წინ პრეზიდენტის ადმინისტრაციის წარმომადგენელმა ალი გასანოვმა განაცხადა, რომ მოახლოებულ არჩევნებში "ახალი აზერბაიჯანი" ალიევის კანდიდატურას დაუჭერს მხარს. თუმცა გასანოვმა დაამატა, რომ "პრეზიდენტს 2013 წლის საპრეზიდენტო არჩევნებთან დაკავშირებით ჯერ არავითარი განცხადება არ გაუკეთებია."

### რუსეთში მაღალჩინოსნები დააკავეს

რუსეთის საგამოძიებო კომიტეტმა, დაუდევრობის ბრალდებით, კრიმსკის მერი ვლადიმირ ულიანოვსკი და კრიმსკის რაიონის ყოფილი ხელმძღვანელი ვასილი კრუტკო დააკავეს. კრუტკო წყალდიდობის შემდეგ რამდენიმე დღეში თანამდებობიდან გაათავისუფლეს. დამანგრეველი წყალდიდობა ყუბანში 9 ივლისს მოხდა, ყველაზე მეტად ქალაქი კრიმსკი დაზარალდა. ქვეყნის საგანგებო სიტუაციების სამინისტროს მონაცემებით, წყალდიდობას 171 ადამიანი ემსხვერპლა, თუმცა ადგილობრივი მოსახლეობა ოფიციალურ მონაცემებზე მაღალ ციფრს ასახელებს.

საგამოძიებო კომიტეტის ცნობით, ასევე დააკავეს კრიმსკის რაიონის საგანგებო სიტუაციების განყოფილების ხელმძღვანელის მოვალეობის შემსრულებელი ვიქტორ უდნოვი. გამოძიების ვერსიით, მაღალჩინოსნებმა საკუთარი მოვალეობები არ შეასრულეს - სწორად არ შეაფასეს სტიქიური უბედურების მასშტაბი და მოსახლეობა წყალდიდობის შესახებ არ გააფრთხილეს. გავრცელებული ინფორმაციით, მათ, შესაძლოა, 7 წლით თავისუფლების აღკვეთა მიესაჯათ.

თუმცა რუსეთის ოპოზიციური პარტიები კრასნოდარის მხარის გუბერნატორის ალექსანდრ ტკაჩოვის გადაყენებას ითხოვენ, რომელსაც ეს თანამდებობა 2000 წლიდან მოყოლებული უჭირავს. ტკაჩოვი კი ის პიროვნებაა, რომელიც სოჭში 2014 წლის ზამთრის ოლიმპიური თამაშების მომზადებაში უმნიშვნელოვანეს როლს ასრულებს. ყველასათვის ცნობილია, ეს პროექტი როგორ მნიშვნელოვანია რუსეთის პრეზიდენტ ვლადიმირ პუტინისათვის.

მოამზადა თამთა კახაძემ

# ამერიკა-რუსეთის ურთიერთობა შეიძლება უფრო პრაგმატული გახდეს

"დიდი ოცეულის" სამიტის ფარგლებში ამერიკისა და რუსეთის პრეზიდენტების ბარაკ ობამასა და ვლადიმირ პუტინის შეხვედრის შემდეგ არაერთმა ანალიტიკოსმა შემდეგი ვერდიქტი გამოიტანა: ორ პრეზიდენტს შორის თაფლობის თვე დასრულდა. რუსეთისა და ამერიკის პრეზიდენტებს შორის ახლო, თბილი, "ინტერპერსონალური" ურთიერთობის ერა, რომელსაც, მაგალითად, 1990-იან წლებში "ბორისსა და ბილს" შორის ჰქონდა ადგილი, ოფიციალურად დასრულდა.

ახლა, შესაძლოა, ორ ქვეყანას შორის უფრო გამძლე, ხანგრძლივი ურთიერთობა ჩამოყალიბდეს, რომელიც იდეალისტური მოლოდინების ნაცვლად, შეზღუდულ, რეალურ ურთიერთობას დაეფუძნება.

ჯერ კიდევ 2007 წელს პრეზიდენტობის კანდიდატი ობამა რუსეთს შემდეგნაირად აფასებდა: რუსეთი არც მტერია და არც ამერიკის უახლოესი მეგობარი. ეს არცთუ ისე ხელსაყრელი შეფასება ამერიკელი პოლიტიკოსისათვის, რომლებიც ძირითადად ოპონენტებად ან მოკავშირეებად ყოფნენ ქვეყნებს. თუმცა, ეს ის მიდგომაა, რომელიც ყველაზე შესაფერისად ახასიათებს ორ ქვეყანას შორის ახლანდელ ურთი-

ერთობას:

ამ ქვეყნებს არ გააჩნიათ ერთნაირი ღირებულებები - ეს გამოიხატება იმაში, თუ როგორ უძღვებიან ეს ქვეყნები საშინაო თუ საგარეო საქმეებს. ამერიკის საგარეო პოლიტიკა უმთავრესად შემდეგს ემყარება - ქვეყნის ეროვნული უსაფრთხოების უზრუნველყოფა მთელს მსოფლიოში დემოკრატიის გავრცელების გზით. მსგავს რწმენას არ ეფუძნება რუსეთის პოლიტიკა, რომლის პარტნიორებიც შესაძლოა იყვნენ როგორც დემოკრატიული გერმანია და ინდოეთი, ასევე ისეთი არადემოკრატიული რეჟიმები, როგორებიც არიან სირია თუ ჩინეთი. რუსეთისათვის მთავარს რეჟიმის ორიენტაცია წარმოადგენს.

დღეს რუსეთი აღარ ცდილობს, ამერიკა ყველაფერში დაბლოკოს. მაგალითად, რუსეთმა მხარი დაუჭირა ირანის წინააღმდეგ შეზღუდულ სანქციებს. რუსეთმა სანქციების დანერგვას წინააღმდეგობა არ გაუწია იქიდან გამომდინარე, რომ ამერიკისა და ევროკავშირის მიერ ირანის წინააღმდეგ დანერგული სანქციები რუსეთს რეალურ სარგებელს მოუტანდა.

თუმცა, ცხადია, ორ ქვეყანას შორის რჩება ფუნდამენტალური განს-



ხვებები გეოპოლიტიკურ საკითხებში, რომელთა შესახებ კონსენსუსზე ფიქრი, ფაქტობრივად, შეუძლებელია. ობამას ორიგინალური ფორმულირება - არც მეგობარი და არც მტერი - შესაძლოა, ორი ქვეყანას შორის პარტნიორობის გაღრმავებას ხელს არ უწყობს, თუმცა ამ ქვეყნებს შორის პოლიტიკური დაპირისპირების არეალს ამცირებს.

იმ ფონზე, როდესაც ქვეყნებს

შორის პოლიტიკური კავშირები მცირდება, შესაძლოა, ადგილი ჰქონდეს საგარეო კავშირების გაღრმავებას. პუტინმა უკვე აღნიშნა, რომ დაინტერესებულია რუსულ ეკონომიკაში ამერიკის ინვესტიციებით; Wall Street-ი კი მიიჩნევს, რომ Boeing-მა თუ General Motors-მა შესაძლოა, რუსულ ბაზარზე გაყიდვები მნიშვნელოვნად გაზარდოს. ობამამ, შესაძლოა, ჯორჯ ვაშინგ-

ტონის "გამოსამშვიდობებელი მიმართვის" შემდეგ გამონათქვამს მისდობს: "გავაფართოოთ ჩვენი საგარეო კავშირები, მიუხედავად იმისა, ველით თუ არა პოლიტიკური კავშირების გაღრმავებას."

გასული ოცი წლის განმავლობაში ამერიკა-რუსეთის ურთიერთობის საყრდენს პრეზიდენტებს შორის არსებული ურთიერთობა წარმოადგენდა. შესაძლოა, ახლა დროა CEO-ებმა (მთავარი აღმასრულებელი დირექტორი) წინა მხარეს გადმოინაცვლონ. ამ დროისათვის ორ ქვეყანას შორის საგარეო ურთიერთობა წელიწადში მხოლოდ 35 მილიარდ დოლარს შეადგენს. ორ ქვეყანას შორის ძლიერმა საგარეო კავშირებმა შესაძლოა გააკეთონ ის, რაც წლების განმავლობაში პრეზიდენტების დიპლომატიურმა ურთიერთობამ ვერ შეძლო - ღირებულებებს შორის განსხვავებების დაძლევის გზის პოვნა და ორ ქვეყანას შორის ახალი და გამძლე ინტერესთა ერთობის ჩამოყალიბება. ეს ისეთივე შთაბეჭდილება ვერ იქნება, როგორც "გადატვირთვა", თუმცა ეს შესაძლოა გაცილებით ხანგრძლივი აღმოჩნდეს.

"World Politics Review"-ის მიხედვით მოამზადა თამთა კახაძემ

## ირანმა ორი ტერორისტული ქსელი გამოააშკარავა

თამთა კახაძე

ირანის ხელისუფლების განცხადებით, მათ ორი ტერორისტული ქსელი აღმოაჩინეს, რომლებიც პასუხისმგებელი არიან ირანულ ფიზიკოსებზე, ბირთვული ფიზიკის სპეციალისტებზე თავდასხმაზე. ირანის დაზვერვის საქმეების მინისტრმა პეიდარ მოსლევმა განაცხადა, რომ მათ ორ ქსელს მიაგნეს, ერთ-ერთს - თავად ირანში, მეორეს კი - ქვეყნის

საზღვრებს გარეთ.

გასული წლის ივლისში ფიზიკოსს დარიუს რეზაინეჯადზე მოხდა თავდასხმა. მკვლელობიდან ერთი წლის შემდეგ მოსლევმა აცხადებს, რომ მკვლელები ყველანაირად ეცადნენ, კვალი არ დაეტოვებინათ, თუმცა მაინც დაუშვეს ისეთი შეცდომა, რომლის წყალობითაც მათი ქმედების გახსნა გახდა შესაძლებელი.

მთლიანად ირანის სპეცსამსახურებს ფიზიკოსებზე თავდასხმებისთვის 30 სავარაუდო ეჭვმიტანილი

ჰყავთ დაკავებული. ოპერაციის დეტალები ცნობილი არ არის. მოსლევს განცხადებით, მათ უკან უცხო ქვეყნის სპეცსამსახურები დგანან. თეირანმა ადრე არა ერთხელ დაადასტურა ისრაელი, ამერიკა და დასავლეთი ქვეყნის მიერ ბირთვულ პროგრამაზე მუშაობაში ფარულად ხელის შეშლაში.

ირანულ ფიზიკოსებსა და ბირთვულ ობიექტებზე თავდასხმის სია არც თუ ისე მცირეა: 2010 წლის 12 იანვრს თეირანში პროფესორი მასულ

ალი მოჰამედი მოკლეს, იმავე წლის ნოემბერში კი თეირანის სხვადასხვა რაიონში ფიზიკოსებზე - მაჯიდ შაჰრიარსა და ფერეიდუნ აბას დავანზე მოხდა თავდასხმები; აქედან შაჰრიარი გადარჩა. 2011 წლის ნოემბერში სოფელ ბიგდანის სამხედრო ობიექტთან დიდი აფეთქება მოხდა, რასაც გენერალი ჰასან ტაჰრან მოგადამი და 11 ოფიცერი ესმხვერპლა; 2011 წლის ბოლოს ისპაჰანში აფეთქება მოხდა ურანის გამამდირებელ ქარხანასთან, 2011 წლის დეკემბერში კი

აფეთქება მოხდა ქალაქ იაზდში, სადაც, დაუდასტურებელი ინფორმაციით, ის ცენტრიფუგები მზადდებოდა, რომელსაც ურანის გასამდირებლად იყენებენ. 2012 წლის იანვარში თეირანის ჩრდილოეთით ავტომანქანის აფეთქებას ემსხვერპლა 32 წლის მუსტაფა აჰმედი რომანი - თეირანის ტექნოლოგიური უნივერსიტეტის პროფესორი. იგი, იმავდროულად, ქალაქ ნათანში ურანის გამამდირებელ ქარხანას ხელმძღვანელობდა.

ბიზნესი

## ADIDAS-ი რინეთში ბოლო ფაბრიკას ხურავს და საქართველოში ბიზნესს აფართოებს

თინა შავაძე

კომპანია Adidas-ი - სპორტული ტანსაცმელისა და ფეხსაცმელის ერთ-ერთი ნამყვანი მწარმოებელი მსოფლიოში - ჩინეთში თავის ბოლო ფაბრიკას ოქტომბრის ბოლოს დახურავს. სანარმოო 160 ადამიანი დასაქმებული.

The Wall Street Journal-ის ინფორმაციით, კომპანიის მენეჯმენტის გადაწყვეტილებით, წარმოების ეფექტურად მართვის მიზნით ახლა Adidas-ის პროდუქციას ჩინელი პარტნიორები ფრენჩაიზის კონტრაქტების ქვეშ დაამზადებენ.

"ფაბრიკის დახურვა ჩინეთსა და მთელს მსოფლიოში ბიზნესის რესტრუქტურის ნაწილია," - განაცხადა კომპანიის პრეს-სპიკერმა

და დასძინა, რომ კომპანია საკუთარ სანარმოებს აღარ გახსნის.

სპორტული კომპანიები Adidas და Nike პირველი მწარმოებლები იყვნენ, რომლებმაც დასავლური პროდუქტები ჩინეთის მომხმარებელს შესთავაზეს, მაგრამ ახლა ჩინეთში სპორტული ტანსაცმლის ბაზარზე მათი გაყიდვები დაეცა. ივნისში, კომპანიამ Nike-მა, რომელიც ბოლო დროს ჩინეთის ბაზარზე დომინირებდა, განაცხადა, რომ მესამე კვარტალში გაყიდვების მოცულობა, გასულ წელთან შედარებით, 3,9 პროცენტით დაეცა.

ამასობაში Adidas-ის წინააღმდეგ ლონდონის ოლიმპიადის ორგანიზატორებს კომპანიის კამპოჯას ფაბრიკის თანამშრომლებმა საჩივროთ მიმართეს, სადაც აცხადებენ, რომ მიზეზულ ხელფასს - ყოველთვიურად 60 დოლარს იღებენ და ანაზღაურების



120 დოლარამდე გაზრდას ითხოვენ. ამ ბრალდებას Adidas-ი უარყოფს და ამბობს, რომ კამპოჯაში თანამშრომლების ყოველთვიური ანაზღაურ-

ება 130 დოლარია, რაც ამ ქვეყნის საარსებო მინიმუმზე მაღალია. ცნობისათვის - მიმდინარე წლის დასაწყისში საქართველოს საერთა-

შორისო ინვესტორთა ასოციაციის წევრმა კომპანიამ AJARA TEXTILE-მა კიდევ ერთი ცნობილი ბრენდის Adidas-ის შეკვეთების შესრულება დაიწყო. გასული წლის შემოდგომაზე კომპანიამ წარმოება გააფართოვა და ბათუმში ახალი ფაბრიკა გახსნა, რომელიც მილიონი ლარის ინვესტიცია განახორციელა. ასევე, კომპანიამ 2008 წელს ქობულეთში, ბობოყვათის ტექსტილის თანამედროვე სანარმოს მშენებლობაში 6 მილიონი ლარის ინვესტიცია ჩადო და 500 ადამიანი დასაქმა. ბობოყვათის ფაბრიკაში Puma-ს შეკვეთებს ამზადებენ.

ორივე სანარმოო შეკერილი სამოსი - მაისურები და შორტები წარწერით "დამზადებულია საქართველოში", მთლიანად დამკვეთებს ეგზავნებათ, რომლებიც სარეალიზაციო არეალს თავად განსაზღვრავენ.

## ლონდონის სასამართლომ APPLE-ს ბოდიშის მოხდა დაავალა

თინა შავაძე

ლონდონის სასამართლოს გადაწყვეტილებით, ამერიკულმა Apple-მა საკუთარ საიტზე და ბრიტანულ გაზეთებში უნდა გამოაქვეყნოს შეტყობინება იმის შესახებ, რომ სამხრეთ კორეულ Samsung-ს iPad-ის დიზაინის კოპირება არ მო-

უხდენია. Bloomberg-ის ინფორმაციით, Apple-ის წარმომადგენლები სასამართლოს გადაწყვეტილებით უკმაყოფილოები არიან, რადგან მათ საკუთარ საიტზე Samsung-ის რეკლამირება მოუხდებოდა.

"არც ერთ კომპანიას არ მოუხდება, საკუთარ საიტზე მყიდველს, კონკურენტი კიდევ ერთხელ შეახსენოს," - აცხადებს Apple-ის ადვო-

კატი რიჩარდ ჰაკონი. უმსხვილესი ტექნოლოგიური გიგანტები საპატენტო ომს რამდენიმე წელია, აწარმოებენ.

გასული წლის აგვისტოში Apple-მა ევროპაში Galaxy Tab 10.1-ის გაყიდვების აკრძალვას მიიღწია. პასუხად კი Samsung-მა ევროპის ბაზრისთვის პლანშეტის გაუმჯობესებული ვარიანტი წარმოადგინა,

რომელიც ამერიკულ პლანშეტს ნაკლებად ჰგავდა. თუმცა Apple-მა კვლავ განაცხადა, რომ კონკურენტმა პატენტი დაარღვია.

ცნობისათვის - 9 ივლისს ლონდონის უმაღლეს სასამართლოში, Apple-მა Samsung-ის წინააღმდეგ გამართული პროცესი წააგო. ამერიკული ტექნოლოგიების გიგანტი Galaxy Tab 10-ის გაყიდვების აკრ-

ძალვას მოითხოვდა. Apple-ი სარჩელში მიუთითებდა, რომ Samsung-ის პლანშეტური კომპიუტერი ძალიან ჰგავს iPad-ს და მისი პატენტია. თუმცა, მოსამართლე კოლინ ბრისეს თქმით, Galaxy Tab-ი არა აქვს იგივე "გამოკვეთილი უბრალოება", რომელიც Apple-ის დიზაინისთვის არის დამახასიათებელი.

სან ანტონიომ თქვა მხ

"სან ანტონიოს" ბო მაკალეტი უნდა. ამერიკელი მაკედონური პასპორტით, კარგი ინტელექტით და მაგარი მუხლებით. მაკალეტი ჯერ "სიენაში" ვარჯიშობს, კორლეონის შეთავაზებას ელოდება და ვარიანტებს არჩევს. "სან ანტონიო" ნორმალური ვარიანტია. გრეგ პოპოვიჩი ტონი პარკერის წუთებს მოჭრის, ენერჯაიზერის ენერჯიას გაუფრთხილდება, ფრანგმა უნდა დაისვენოს. ევა ლონგორიას ყოფილი სპანიელის შემდეგ, "სპურსში" არ არის რეალურად კარგი პატარა კაცი, რომელიც გაჭრის დაცვებს, შევა დერეფნებში და იქ კარგ რაღაცეებს ჩაატარებს. მაკალეტიც არ არის კლასიკური ფლეიმეიქერი. ბო აკეთებს პირველი ნომრის იმიტაციას და პრობლემებს მეორე ნომრიდან აგვარებს. მაკალეტი "სან ანტონიოში" უნდა ჩაჯდეს. თუ კონტრაქტი გაფორმდება.

დაინერა, რომ "სიენას" არ მოეწონა "სან ანტონიოს" შეთავაზება და იტალიელებს უფრო დიდ კუშს "ფენერბახჩე" და უნიქსი უხდინა. მაკალეტი ამერიკაში უნდა. ბო იქ არ იქნება ლიდერი და ლიდერებთან ერთად გაიზრდება, ბევრ ნიუანსს დაინახავს და ტიმ დანკანს უკეთ გაიცნობს. უკვე სერიოზული თემაა. შარშან, ევროლიგაზე მაკალეტი საშუალოდ 16.9 ქულას, 2.6 პასს და 2.2 მოხსნას იღებდა. 27.4 წუთში. მაკალეტი იტალიის ბოლო ჩემპიონატის MVP იყო. "სიენაში" ლოკალურ ტერიტორიაზე ისევ მასტერულასი გაუშვა და ამერიკელი დაუნდობელი იყო. როგორც ყოველთვის. ბო დიდი ბიჭია. და ავტოგრაფს საუკეთესო კონტრაქტზე დატოვებს.

დღეს "სან ანტონიოში" ეს ხალხი იღებს ხელფასს - **ჯეიმს ანდერსონი** (ფორვარდი, 1.4 მილიონი დოლარი), **დე-შუან ბლერი** (ცენტრი, 986 000), **მეტ ბონერი** (ფორვარდი, 3.3), **ბორის დიასი** (ფორვარდ/ცენტრი, 9.0), **ტიმ დანკანი** (ფორვარდ/ცენტრი, 12.3), **ტიაგო სპლიტერი** (ცენტრი, 3.7), **ტიმ პარკერი** (გამთამაშებელი, 12.5), **ემანუელ ჯინობილი** (მსროლელი, 12.5), **დენი გრინი** (მსროლელი, 854 000), **სტივენ ჯექსონი** (მსროლელი, 9.2), **კორი ჯოზეფი** (1.2), **კავია ლეონარდი** (ფორვარდი, 1.7), **გარი ნილი** (762 000). ალბათ, კონტრაქტს გაუფორმებენ საფრანგეთის ნაკრების კიდევ ერთ გამთამაშებელს, ნანდო დე კოლოს.

ოლიმპიადა გაელის გარეშე

საფრანგეთის ნაკრებს ლონდონის ოლიმპიადაზე საინტერესო საჩოგბურთო კაცური ბანდა ეყოლება. ერთეულებში დაიკოქებიან ჟო-ვილფრედ ცონგა, ჟილ სიმონი, ჟულიენ ბენეტო და რიშარ გასკე. წყვილებში იმპაკაცებენ - მიკაელ ლოდონა და ცონგა, ბენეტო და გასკე. ნორმალური შემადგენლობა, რომელიც უკეთესი უნდა ყოფილიყო. საფრანგეთმა ტრავმის გამო ვერ დაიმბატა გაელ მონფიზი, რომელიც ნელს ცუდ, არასტაბილურ, აჭრილ სეზონს ატარებს. გაელი ფრანგულ ჯაზში ბენეტომ შეცვალა. ჟულიენიც კარგი ვარიანტია.

გაელმა ტრავმების გამო წელს ცოტა მოასწრო. ერთეულებში მოიგო 14, ვერ მოიგო 7 თამაში და არასტაბილური იყო. მონფიზი იწყებს სეზონს დოპში და ფინალამდე მიდის. იქ ცონგამ უფრო კარგად შეასრულა საშინაო დავალება და კიკინებიანი გაელი 7:5, 6:3 დაამწვინა. ავსტრალიის ლია პირველობაზე მონფიზი მესამე წრემდე მივიდა და იქ ვერ გაიგო, რა უნდოდა მიხაილ კუკუშკინს. ყაზახმა თამაში 6:2, 7:5, 5:7, 1:6, 6:4 წამოიღო. მონფიზმა ბოლო სეტში ბევრი იაღლი მიიღო და უიმპლდონი ჩემი ერთ-ერთი იაღლი დაუშვა და ცუდი ჩოგბურთი ითამაშა. კიდევ ერთი ფინალი მონპელიემი. იქ გაელი ბოლო ტესტს ჩეხ ტომამ ბერდიხთან ვერ აბარებს (2:6, 6:4, 3:6).

**ცონგა:** "გაელს რთული სეზონი აქვს. ოლიმპიადაზე რომ ყოფილიყო, გავერთობოდით. საფრანგეთს სოლიდური შემადგენლობა ჰყავს. არ ვიცი, სადამდე გავალთ, მაგრამ ბალახზე თამაში მიყვარს და უიმპლდონი ჩემი ერთ-ერთი საყვარელი ტურნირია. კარიერით, ბალახზე კარგი შედეგი აქვს რიშარს (გასკეს), ალბათ, ჟულიენიც კარგი იქნება. ჟილ სიმონი ყველამ ჟილ სიმონია. დაგელის და თუ გაგიმართლებს, მოუგებ. ძირითადად, ჟილს უმართლებს. საინტერესო ოლიმპიადა იქნება. ყველას უნდა ჯოკოვიჩი-ფედერერის ფინალი. მეც მიხდა... მაგრამ ოლიმპიადის მოგება უფრო მიხდა. მართლა."

როდიკი



ენდი როდიკი შარდის სეზონს კარგად იწყებს

ალექსანდრე ასათიანი

ენდი როდიკი კლასიკური ამერიკელია. უყურებს სიენას, ცოლთან ერთად დადის კინოთეატრში და ჯიმ ქერის კლასიკაზე ზის. ენდი როდიკი ვარჯიშის წინ ბრიუს სპრინგსტინით ერთობა, მერე კორტზე ერთობა, მერე ცოლთანაც ერთობა და მთელი ეს პროცესი საინტერესოდ მიდის. მისტერ როდიკმა დაკარგა სტამინა, მისტერ როდიკი სტაბილურობასთან ვერ მძაკავს და მისტერ როდიკი ატლანტაში ფინალს იგებს. ენდი ამერიკელების ამერიკელი ჩემპიონი გახდა.

ბოლო ტესტში როდიკი ჟილ მიულერზე გავიდა. მიულერი ლუქსემბურგელია. აქვს ფილიპინისის სკადური ჩანოდება, პალკის აგრესია და თუ სვლაზე, ბევრს უთხრის წერებს. როდიკთან ბიჭმა სერიოზულად დაიწყო, პირველი სეტი 6:1 აიღო და ამერიკელების ამერიკელი ფავორიტი იდგა. 29 წლის როდიკი კარგ ფორმაშია. მიულერთან გარჩევამდე ბოლო ტურნირებზე 11/10 მოგება აქვს და ჟილს ვერ შიფრავს, ვერ კითხულობს, ვერ მოდის აზრზე, რატომ ვერ იგებს. მიულერმა ლასო მოუშვა და როდიკმა ნელ-ნელა შეუბერა. ენდიმ გამოასწორა პირველი ჩანოდების პროცენტი. ენდიმ ნაკლები აგრესიით ნაკლები შეცდომები დაუშვა. როდიკი რეალურად კარგი იყო. ამერიკამ თამაზე ბრილიანი გადაისვა და დაჯილდოვების ცერემონიალისთვის მოემზადა. როდიკის პოპულარობისთვის.

**როდიკი:** "პირველ სეტს აგებ და ეგრევე სიტუაციის შეცვლას ცდილობ. 1:6, 6:7, 4:6 - მართლა არ აქვს მნიშვნელობა, რა ანგარიშით წააგებ სეტს. რაღაც არ გამოგდის, რაღაც არ მიდის და ეს უნდა გამოსწორდეს. სპორტის სხვა სახეობაში, ვოქსათ, კალათბურთში, ერთი მეოთხედის შემდეგ შეგიძლია დაისვენო, მოუშვა. ჩვენთან არ დაგინდობენ. თუ აგებ, ცდილობენ, რომ იქვე დაგიმთავრონ ყველაფერი. ჟილი ძალიან კარგი მოთამაშეა. მეორე სეტში ცოტა გამიმართლა."

ატლანტა ამერიკული ტურნირების სერიას იწყებს. როდიკს ეს სერია ორჯერ, 2005-06 წლებში აქვს მოგებული. ამერიკელი წელს მეორე ფინალს იგებს. ისტრბურნი რეიტინგის ყოფილი ფედერერმა ანდრეას სეპის გადაუფოკრა. როდიკს კარიერაში უკვე 32 ფინალი აქვს მოგებული. გასახსენებელი თემაა. 20 წლებში ფინალიც ბევრია. ნაგების და რაოდენობის ამბავში. მიმდინარე სეზონში როდიკს ერთეულებში 32:20 აქვს. ამ როდიკისთვის ნორმალური სტატისტიკაა. ძველი როდიკი ნაკლებს აგებდა და იმ ენდომეტი ეისთ მეტი ბონუსი დასავ. კარგი დრო იყო. ის როდიკი ჩოგბურთის სლეში იყო. ცოტა მოძველებილი და მაგარი სმენადი. დღეს სხვა სიტუაციაა. ეს როდიკი ძირითადად, დეას, ცოლის დეკოლტემი იყურება და მომენტებში, ჩოგბურთსაც თამაშობს. შეიძლება, ვინმეს მოუგოს და თუ აგებს, საკუთარ თავს ეუბნება, რომ ჩვეულებრივი მომენტია, მოსულა, რა. როდიკმა ამ სეზონში უკვე მოუგო როჯერ ფედერერს (7:6, 1:6, 6:4 მაიაში) და ნაავო დენის

სტილით. ენდი არასტაბილურია. ხდება ხოლმე.

პირველ სეტში მიულერმა შეასრულა. ფილმა პირველი სამი ბრეიქ პოინტიდან ორი გამოიყენა. საკუთარ ჩანოდებაზე ბიჭმა 11 პირველი ჩანოდებიდან 10 აიღო. სეტი 33 წუთში მორჩა და როდიკმა დაისვენა. მეორე სეტში უკვე როდიკი მიულერობს. ამერიკელმა 6:5 წაიყვანა და ფილმა მეოთხედზე გეიმში ორი სეტ პოინტი გამოიღო. სეტი ტაი ბრეიქზე გადადის და როდიკი იქ ორმაგ მინი-ბრეიქს აკეთებს. მიულერი დაილაღა. როდიკმა სეტი წამოიღო და მესამე სეტში უკვე ფავორიტი. მიულერი ერთჯერადი ტიტანია და როდიკმა დაკუნთული, მძიმე (193 სანტიმეტრი, 92 კილოგრამი) ტიპი გადახსნა. მესამე სეტში როდიკმა ორჯერ წაართვა ჩანოდება მიულერს და თამაში 134 წუთში ჩახურა. როდიკი ძველი როდიკის პაროდია და მანც როდიკია.

მიულერისთვის ეს სეზონი ძალიან კარგია. ფილმა 30 ტესტიდან 15 ჩააბარა, 15 ვერ გაიარა და მიულერი რეიტინგში უკვე პირველ სამოცში (56) ზის. შარშან ჟილს კარიერის ჰაილაითი ჰქონდა და რეიტინგში ორმოცდამეორე (42) იყო. ჟილ მიულერი 29 წლის არის.

**მიულერი:** "როდიკი ფავორიტი იყო. ამერიკაში როდიკთან თამაში არაეალურად რთულია. კორტზე გასვლის წინ ფიქრობ, რომ ეთანამები ელგენდას, რომელმაც მოიგო დიდი

სლეგის ტურნირი. რომელიც იყო რეიტინგის პირველი ნომერი. რომელსაც ჩოგბურთში თითქმის ყველაფერი აქვს ნახაზი. როდიკი გამოცდილებით იგებს. ნორმალური სეზონი მაქვს. თუ რაღაც მომენტში არ წავა ჩანოდება, ვერ იღებ ბურთს, ვერ ასწრებ ბადესთან მისვლას, ეს ნორმალურია. წინ დიდი დრო გავქვს და მთავარია, არ დაიბნე. კომპლიმენტები როდიკს და ტურნირის ორგანიზატორებს. ყველაფერი ხდება. ახალი ტურნირებისთვის მზადებას ვინყებ."

ენდი როდიკი ისევ კლასიკური ამერიკელია. ძირითადად, უყურებს სიენას, ცოლთან ერთად დადის კინოთეატრში და იქ პოპკორნს ღეჭავს. სახლში, სექსისგან თავისუფალ დროს, ჯიმ ქერის კლასიკაზე ზის. ხანდახან კრის კრისტოფერსონის კლასიკას იხსენებს. ხანდახან ჩოგბურთის თამაშაც იხსენებს. ენდი როდიკი ვარჯიშის წინ ბრიუს სპრინგსტინით ერთობა, მერე კორტზე ერთობა, მერე ცოლთანაც ერთობა და მთელი ეს პროცესი საინტერესოდ მიდის. მისტერ როდიკმა დაკარგა სტამინა, მისტერ როდიკი სტაბილურობასთან ვერ მძაკავს და მისტერ როდიკი ატლანტაში ფინალს იგებს. ენდი ამერიკელების ამერიკელი ჩემპიონი გახდა.

ამერიკამ თამაზე ბრილიანი გადაისვა და დაჯილდოვების ცერემონიალისთვის მოემზადა. როდიკის პოპულარობისთვის.

ATP. რეიტინგი

1(1). როჯერ ფედერერი (შვეიცარია).....	11 075
2(2). ნოვაკ ჯოკოვიჩი (სერბეთი).....	11 000
3(3). რაფელ ნადალი (ესპანეთი).....	8 905
4(4). ენდი მარი (დიდი ბრიტანეთი).....	7 460
5(5). დავიდ ფერერი (ესპანეთი).....	5 455
6(6). ჟო-ვილფრედ ცონგა (საფრანგეთი).....	5 230
7(7). ტომამ ბერდიხი (ჩეხეთი).....	4 515
8(8). ინკო ტიპსარევიჩი (სერბეთი).....	3 320
9(9). ხუან მარტინ დელ პოტრო (არგენტინა).....	3 180
10(14). ხუან მონაკო (არგენტინა).....	2 695
11(11). ჯონ იზნერი (აშშ).....	2 620
12(10). ნიკოლას ალმაგრო (ესპანეთი).....	2 545
13(13). მარდი ფიში (აშშ).....	2 105
14(12). ჟილ სიმონი (საფრანგეთი).....	2 070
15(15). მარინ ჩილიჩი (ხორვატია).....	2 015
16(16). ფერნანდო ვერდასკო (ესპანეთი).....	1 720
17(18). ალექსანდრ დოლოგოპოლოვი (უკრაინა).....	1 690
18(19). კეი ნიშიკორი (იაპონია).....	1 680
19(20). მარსელ გრანოლერსი (ესპანეთი).....	1 635
20(17). გაელ მონფილი (საფრანგეთი).....	1 625
21(21). რიშარ გასკე (საფრანგეთი).....	1 600
22(27). ენდი როდიკი (აშშ).....	1 600

WTA. რეიტინგი

1(1). ვიქტორია აზარენკა (ბელარუსი).....	8 800
2(2). აგნეშკა რადვანსკა (რუსეთი).....	8 530
3(3). მარია შარაპოვა (რუსეთი).....	8 370
4(4). სერენა უილიამსი (აშშ).....	7 830
5(5). სამანტა სტოსურე (ავსტრალია).....	6 195
6(6). პეტრა კვიტოვა (ჩეხეთი).....	5 275
7(7). ანგელიკ კერბერი (გერმანია).....	5 170
8(8). კაროლინ ვოზნიაცი (დანია).....	4 091
9(9). სარა ერანი (იტალია).....	3 620
10(10). მარიონ ბარტოლი (საფრანგეთი).....	3 595
11(11). ნა ლი (ჩინეთი).....	3 245
12(12). ანა ივანოვიჩი (სერბეთი).....	3 190
14(13). ვერა ზვონარევა (რუსეთი).....	3 000
15(15). მარია კირილენკო (რუსეთი).....	2 635
16(16). კაია კანეპი (ესტონეთი).....	2 514
17(17). საბინე ლისიცი (გერმანია).....	2 297
18(18). ანდრეა პეტკოვიჩი (გერმანია).....	2 260
19(21). ნადია პეტროვა (რუსეთი).....	2 235
20(19). ელენა ინკოვიჩი (სერბეთი).....	2 220
84(73). ანა ტატიშვილი (საქართველო).....	792

AK 47 ბრუკლინი

ბრუკლინი საინტერესო ხალხით საინტერესო გუნდი მოდის. დერონ უილიამსის, ჯო ჯონსონის, ჯერალდ უოლასის, ბრუკლინის ინგრედიენტებით გემრიელი კერძის მომზადება შეიძლება. "ბრუკლინი ნეთსი" მიხაილ პროხოროვის გუნდია და რუსმა ერთ-ერთ ინტერვიუში თქვა, ცოტა ხანში, თეთრ სახლში შესვლა მინდა და შევალ. თეთრ სახლში, ამერიკის პრეზიდენტთან აუდიენციაზე ჩემპიონის ბეჭდით შედიან. პროხოროვს ვილაძემ უთხრა, რომ "ბრუკლინი" შეიძლება, ჩემპიონი გახდეს. და რუსმა დაიჯერა. ამ გუნდით თეთრ სახლამდე მისვლა რეალურად რთული იქნება. პროხოროვს ამერიკულ-რუსულ გუნდში ყველაზე სერიოზული რუსი კალათბურთელის მიყვანა უნდა. მიხაილმა ანდრეი კირილენკო შეუკვეთა.

თუ არ გახსოვთ, AK 47, იგივე ანდრეი კირილენკო - კარგი ბიჭი, 31 წლის, 206 სანტიმეტრი, კალათბურთის კარგად თამაშობს, რაღაცეები აქვს მოგებული, ხუთი წლის წინ ევროპის ჩემპიონი გახდა. ამერიკაში იყო "იუტაში" და 10 რეგულარულად 12.4 ქულა, 5.6 მოხსნა, 2.8 პასი, 2.0 დაფარება და 1.4 ჩაჭრა წამოიღო. ძალიან კარგი სტატისტიკა. "ბრუკლინი" ეს სტატისტიკა უნდა. კირილენკო ჯერ ცსკაშია და თუ პროხოროვი მოინდომებს, აღარ იქნება და ამერიკაში დაბრუნდება.

**ბილი კინგი** ("ბრუკლინის" გენერალური მენეჯერი): "გუნდმა თითქმის დაამთავრა რუსტრის შევსება. მხოლოდ ორი მოთამაშის დამატება გვინდა. ალბათ, ერთი ძიმე ფორვარდი და ერთი მესამე ნომერი. თუ ანდრეის დავიმატებთ, კირილენკო ორივე პოზიციაზე იდგება და ჩვენთვის კარგი, თითქმის იდეალური ვარიანტია. ანდრეი ჭკვიანი მოთამაშეა."

ანდრეი კირილენკო დღეს ცსკაში ზის. რუსებმა ლიდერი დაიტოვეს და ახალკი კონტრაქტით მაგარი ფული მისცეს. უბრალოდ, კონტრაქტი წერია - თუ კირილენკოს ამერიკიდან უკეთესი წინადადება ექნება, ანდრეი იქით, პროხოროვთან მიდის. კირილენკო ყველა ვარიანტში იგებს.

კარგი მწვრთნელი

ამარე სტაუდმაიერი ორი კვირით საკალათბურთო კემბრიჯში ისწავლის. იქ ლექციებს პროფესორი ჰაკიმ ოლაჯუონი კითხულობს და ამარე ყველაფერს ყურადღებით ჩაუჯდება. ნახავს, როგორ ითამაშოს. ნახავს, როგორ არ უნდა ითამაშოს. ნახავს, რომ ბევრ რაღაცას ვერ აკეთებს და თუ ჰაკიმი არ დაილტვება, ამარე თითქმის ყველაფერს გამოასწორებს. ოლაჯუონთან ერთად ეს რეალურად კარგი, მარტივი იქნება.

ოლაჯუონი ერთ კვირაში 50 000 დოლარს იღებს და თუ სტაუდმაიერი არ იცვლქებს, "ნიქსის" ფორვარდს უფასოდ მოამზადებს. რამდენიმე წლის წინ ჰაკიმი ლებრონ ჯეიმსის მასწავლებელი, მენტორი იყო. ახალმა ჯეიმსმა ახალი კალათბურთი დაიწახა, აკრიფა და შარშან სუპერფინალი მოიგო. ეს ჰაკიმთან მეგობრობის შემდეგ იყო. ჯეიმსმა თითქმის გადახაზა უსისტემო სამიანები და უფრო, ცენტრის ჩაყენება დაამუშავა. ლებრონი შეიცვალა. ჰაკიმმა კარგად იმუშავა.

სტაუდმაიერიც კარგად იმუშავებს. ოლაჯუონი კარგი მასწავლებელია. ელგანტური ჰაკიმი თავისი გენერაციის პირველი ცენტრი იყო. უფრო ჭკვიანი, ვიდრე ჰაკი. უფრო ჭკვიანი, ვიდრე დევიდ რობინსონი. უფრო სრულყოფილი, ვიდრე პატრიკ იუინგი. და უფრო ჯანმრთელი, ვიდრე ალონზო მურნინგი. სტაუდმაიერი კემბრიჯში ბევრს ისწავლის.

ამარე სტაუდმაიერს შარშან რთული სეზონი ჰქონდა. ტრავმებით ბიჭმა ბევრი ტესტი გამოტოვა და მონაწილეობა მხოლოდ 47 თამაშში მიიღო. ამარეს საშუალო სტატისტიკა 17.5 ქულა, 7.8 მოხსნა და 1.1 პასი იყო. "ნიქსი" ცოტა ჭრელი გუნდი იყო და ბოსტონმა ვერ გაიგეს, ვის რა და რა დროს უნდა გაეკეთებინა. კარმელო ენტონი მორიდებული ან ზედმეტად აგრესიული იყო. ჯერემი ლინმა დაიწყო მეექვსეტი და დაამთავრა ლინივით. ბაირონ დევისი მოხუცი პანდა და ტანის ჩენდლერი მარტო დაცვაში აკეთებს საქმეს. სტაუდმაიერი ახალ სეზონში უკეთესი იქნება. ოლაჯუონთან მეგობრობის შემდეგ, ყველა ვარიანტი უკეთესი უნდა იყოს.

**ამარე:** "ჰაკიმი საქმეს იდეალურად აკეთებს. ყოველთვის მომწონდა მისი მოძრაობები. ელგანტური, ცენტრისთვის რბილი, საინტერესო, მოქნილი თამაში. ოლაჯუონთან მეგობრობის შემდეგ ლებრონმა მოუშავა. ვნახოთ, ჩვენ რა გამოვივა."

# "ნეფთი" და 300 აზერბაიჯანელი ზესტაფონი

პირველი გვარდიანა

"ნეფთი" საბაზუხო შეხვედრაშიც უმთავრესწინააღმდეგარს იქნება - ბუიუქალა გაჯიევი კვლავ შეუძლოდ ყოფილა და გუნდს პირველი მატჩის მსგავსად მისი თანაშემწე ტარლან აპმედოვი უთავკაცებს.

ტრადიციული წინასამატჩო პრესკონფერენციაზე პირველი "ზესტაფონის" მთავარი მწვრთნელი გია ჭიბრაძის და მეკარე ზურაბ მამალაძე წარსდგნენ. ცხადია, კითხვების უმეტესობას ჭიბრაძისთვის უპასუხა: "საკმაოდ მძიმე შეხვედრა გველოდება, ბაქოში უპატივებელი შეცდომები დაუშვით და დავისაჯვით კიდევ, თუმცა ჩვენ მოედანზე ყოველთვის მოსაგებად გავდივართ და ხვალინდელ შეხვედრაშიც ასე იქნება, მით უფრო, რომ საკუთარი გულშემატკივრის წინაშე რეაბილიტაცია გვსურს. შევძლებთ, თუ არა "ნეფთის" ბარეირის დაძლევა? ამის იმედი, რომ არ გვქონდეს, ქომაგებს არც მოვუწოდებდით სტადიონზე მოსასვლელად. პირველ შეხვედრაში დაგვიბადა საკვანძო ფეხბურთელი და კაპიტანი თორნიკე აფციაური. ამ კვირის განმავლობაში ექიმებმა შეძლეს მისი განკურნება და თორნიკე უკვე გუნდთან ერთად ვარჯიშობს, ოღონდ იქნება, თუ არა ის სასტარტო შემადგენლობაში, ამას თამაშის დღეს გადაწყვეტ" - ასე დაასრულა ჭიბრაძის პრესკონფერენცია და ადგილი "ნეფთის" მწვრთნელ ტარლან აპმედოვს და იგორ მიტრევესკის დაუთმო.

აპმედოვმა ჟურნალისტებს ჯერ ის უთხრა, რომ მთავარი მწვრთნელი ბუიუქალა გაჯიევი მოსკოვში მკურნალობს და მისი მოვალეობის შესრულება ჩემთვის დიდი პატივიაო, შემდეგ დღევანდელ მატჩზეც ისაუბრა: "მიუხედავად იმისა, რომ შინ ვ:მ მოვივით, ჯერ მაინც არაფერია გადაწყვეტილი. მე დიდ პატივს ვცემ ზოგადად ქართულ ფეხბურთს და მიმანჩია, რომ "ზესტაფონი" საკმაოდ ძლიერი გუნდია. ცხადია, მეტოქე საწყის ნუთებში ეცდება გოლის გატანას და უპირატესობის მოპოვებას. ჩვენ მათ არ უნდა მივცეთ ამის საშუალება, თორემ შეიძლება ყველაფერი თავდაყირა დადგეს. სიმართლეს გეტყვით, რომ "ნეფთის" მიზანი არა მარტო ამ ბარეირის დაძლევაა, არამედ, კლუბის ხელმძღვანელები მინიმუმ ევროპის ლიგის ჯგუფურ ეტაპზე მოხვედრას გეგმიან, მაქსიმუმ კი ჩემპიონთა ლიგის ჯგუფში შეღწევას. იქამდე კი ჯერ "ზესტაფონი" უნდა გავიაროთ" - განაცხადა აპმედოვმა და პრესკონფერენციის დასრულებისთანავე "ნეფთის" ფეხბურთელები "ზესტაფონის" მოედანზე სავარჯიშოდ გაიყვანა. მისი მოთხოვნით ვარჯიში დახურული იყო.

"ზესტაფონის" პრეს-ატაშემ, სერგო ფუტყარაძემ კი გვითხრა, რომ აზერბაიჯანელებმა თავისი გულშემატკივრებისთვის 300 ბილეთი მოითხოვეს, რა თქმა უნდა, სტუმართა თხოვნა მასპინძლებმა მამხინვე დააკმაყოფილეს. ფუტყარაძემ ისიც გვაუწყა, რომ დღეს დავით აბაშიძის სახელობის სტადიონის ტრიბუნები პირთამდე გაივსება - 300 აზერბაიჯანელი და ათჯერ მეტი ქართველი ტრიბუნებზე. მოედანზე კი "ზესტაფონი" და "ნეფთი". შეხვედრა თბილისის დროით 21:00 საათზე დაიწყება და მას ყაზახი მსაჯუების ბრიგადა მოემსახურება. მთავარი არბიტრი 34 წლის არტიომ კუჩინი იქნება.

პირველი გვარდიანა

გუშინვე ქართველ ოლიმპიელებს ქვეყნის პრეზიდენტმა მიხეილ სააკაშვილმა უმასპინძლა. პრეზიდენტის რეზიდენციაში გამართულ შეხვედრაზე ქვეყნის პირველმა პირმა ოლიმპიელებს წარმატებები უსურვა. "თქვენ უმნიშვნელოვანეს სპორტულ ფორუმზე მოგიხვეთ საქართველოს ღირსების დაცვა. როდესაც ლონდონში ამ დროის ქვეშ იასპარეზებთ, დარწმუნებული ვარ, გამარჯვებისკენ სწრაფვის სურვილი გაგიორმაგდებათ. წინ დიდი შეჯიბრი გელოდებათ, ჩვენ კი თქვენი გამარჯვებით გამოწვეული დიდი ემოციები. ქართველი კაცი ის მებრძოლია, რომელიც თავისი გამარჯვების იმედს, ყველაზე გამოუვალ და რთულ სიტუაციაშიც კი არ კარგავს, გამარჯვების შანსი ყველა სახეობაში გვაქვს, მთავარია ვიბრძოლოთ. მინდა წარმატებები გისურვოთ" - აღნიშნა მიხეილ სააკაშვილმა.

გუშინწინ კი სპორტსმენები და საქართველოს ოლიმპიური დელეგაცია საპატრიარქოში უწმინდესმა და უნეტარესმა ილია მეორემ მიიღო და ლონდონში გამგზავრების წინ გზა დაულოცა და ოლიმპიურ თამაშებზე წარმატებები უსურვა: "მინდა მოგესალმოთ და ასეთ მნიშვნელოვან სპორტულ შეჯიბრზე ყოველივე საუკეთესო გისურვოთ. ღვთის მაფლი გვარავდეთ". შეხვედრის დასასრულს საქართველოს კათოლიკოს პატრიარქმა ქართულ დელეგაციას ლონდონში წასადებე და ხატი გადასცა. შეხვედრაზე ითქვა, რომ პეკინის ოლიმპიადის წინაშე ქართველი ოლიმპიელები პატრიარქმა დალოცა და

# ოლიმპიელთა ფისცი



ოლიმპიელთა ფისცი დადების ცერემონია.

სამშობლოში შესანიშნავი შედეგებით დაბრუნდნენ. შეგახსენებთ, რომ ოლიმპიური თამაშები საზეიმოდ 27 ივლისს, თბილისის დროით, 24:00 საათზე გაიხსნება. კვირას ლონდონში უკვე გაემგზავრა 8-კაციანი დელეგაცია, მათ შორის, ორი სპორტსმენი - მშვილდოსანი ქრისტინე ესებუა და ტყვიის მსროლელი ნინო სალუქვაძე თავიანთ მწვრთნელებთან ერთად, რათა ადგილზეც მოასწრონ ვარჯიში. ხოლო ოლიმპიური კომიტეტის სპეციალური ჯგუფი, დავით გობეჯიშვილის ხელმძღვანელობით, საორგანიზაციო საკითხებს მოაგვარებს. 25 ივლისს კი ჩარტული რეისით, დიდი დელეგა-

ცია დაიძრება ლონდონისკენ. ამ დელეგაციაში სპორტსმენებისა და ოლიმპიური კომიტეტის წარმომადგენელთა გარდა, იქნებიან ჟურნალისტები და გულშემატკივრები. 4 აგვისტოს კიდევ ერთი ჩარტერული რეისი შესრულდება, რომელიც სპორტსმენთა მეორე ჯგუფს ჩაიყვანს ინგლისის დედაქალაქში. "შეგვეძლო ყველა ლიცენზიანტი თავიდანვე ჩაგვეყვანა ოლიმპიადაზე, მაგრამ ეს სპორტული კუთხით საკმარისი იქნებოდა. მაგალითად, მოჭიდავეები საქმეში ოლიმპიადის ბოლოს ერთგვებთან და ურჩევნიან, მანამდე მშვიდად მოემზადონ - განმარტავს სეოკის პრეზიდენტი გია ნაცვ-

ლიშვილი - ლონდონში 35 სპორტსმენს ჩაიყვანათ. ჯერ კიდევ შარშან ვთქვი, რომ 30 ლიცენზიის მოპოვება არც თუ კარგი შედეგი იქნებოდა, 35 - კარგი, 40 კი - საუკეთესო. კმაყოფილი ვარ, რომ რეალური მოლოდინი გამართლდა. ვფიქრობ, 7-8 მედლის მოპოვება შეგვიძლია. ცხადია, მეტწილად მოჭიდავეების გვეიმედება, თუმცა მედლის მოპოვება რამდენიმე სხვა სახეობის სპორტსმენსაც რეალურად ძალუძს" - განაცხადა გია ნაცვ-

ლიშვილი. ბოლოს კი შეგახსენებთ, რომ ქართველ ოლიმპიელთა მედროზე ლონდონში ნინო სალუქვაძე იქნება.

**გამოცემლობა ინტელექტი**

**ხანაწერები**

**20 წიგნი**

**გამოუქვეყნებელი დღიურები**

**ცნობილი ადამიანების უცნობი ავტობიოგრაფიული უტრისები**

**ის, რასაც სხვაგან ვერ წაიკითხავთ**

დაგვიკავშირდით:  
 თბილისი, ილია ჭავჭავაძის გამზ. N5  
 ტელ: (+995 32) 2 25 05 22  
 (+995 32) 2 47 55 54  
 intelekti@caucasus.net  
 info@intelekti.ge  
 www.intelekti.ge

f www.intelekti.ge